

Inatsisissatut siunnersuummut nassuiaatit

Nalinginnaasumik nassuiaatit

1. Aallaqqaasiut

Kommunini qinersinermut inatsit atuuttoq 2012-imi akuerineqarnikuvoq.

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaata nr. 7-ip, 3. december 2012-imeersup kommunalbestyrelsinut, ataatsimoorussamik nunaqarfinni aqutsisunut ilagiillu sinniisaannut qinersinissamut atatillugu piareersaanermut, qinersisitsinermut aamma naatsorsuinerit akisussaaffiit aamma piginnaasaqarfiit kommunalbestyrelsinut tunniuppai. Tamatuma saniatigut 2012-imi inatsit tunngavissaqartitsilerpoq, inuit ilinniarnermi il.il. atatillugu Kalaallit Nunaata avataaniikkallartut qinersisinnaatitaanertik Kalaallit Nunaata avataaniitillutik pigiinnarsinnaagaat.

Inatsisissatut siunnersuutip saqqummiunneqartup siullertut siunertarivaa, Ivittuut kommunerisimasaanni sumiiffimmi sinniisussatut qinersisarnerit tunngatillugu malittarisassat allangortinneqassasut, taamaasilluni siornatigut kommuniusimasumut sinniisussamik sumiiffimmi qinersisoqartarunnaarluni. Ilanngullugu qinersisussat allassimaffiit ilanngunneqarnissamik imaluunniit ilanngunneqannginnissamik aalajangiineq pillugu naammagittaalliuuteqarsinnaaneq erseqqissaavigineqarpoq. Inatsisip allannguutaata sinnerini taamaallaat siunertaavoq inatsisip atuuffiit erseqqissaaneq kiisalu inatsisip oqaasertaanik oqaaseqaatitaanillu nutarterineq.

Siunnersuutigineqarpoq inatsisissatut siunnersuut ulloq 1. december 2016 atuutilissasoq.

2. Siunnersuummi immikkoortut pingaarnertit

- a) Siunnersuutigineqarpoq, Ivittuut kommuniusimasumi sumiiffimmi sinniisussamik qinersisoqassanngitsoq.
- b) Siunnersuutigineqarpoq inatsimmi erseqqissaatigineqassasoq, kinaluunniit qinersisinnaatitaasoq allakkatigut taasinissaminut itigartinneqarsinnaanngitsoq.
- c) Qinersisussat allassimaffiannut ilaanermi imaluunniit ilaannginnermi naammagittaalliuuteqarsinnaaneq erseqqissaatigineqassasoq siunnersuutigineqarpoq.

3. Aningaasaqarnikkut allaffissornikkullu pisortanut kingunissai

Siunnersuutip pisortanut aningaasaqarnikkut allaffissornikkullu kinguneqarnissaa ilimagineqanngilaq.

4. Aningaasaqarnikkut allaffissornikkullu inuussutissarsiortunut kingunissai

Siunnersuut inuussutissarsiuteqartunut aningaasaqarnikkut ingerlatsinikkullu sunniuteqassanngitsoq naatsorsuutigineqarpoq.

5. Avatangiisinut, pinngortitamut inuillu peqqissusiannut kingunissai

Siunnersuut avatangiisinut pinngortitamullu imaluunniit innuttaasut peqqissusaannut sunniuteqassanngitsoq naatsorsuutigineqarpoq.

6. Innuttaasunut kingunissai

Siunnersuutip innuttaasunut sunniuteqarnissaa ilimagineqanngilaq.

7. Kingunissat allat annertuut

Siunnersuut allanik annertuumik sunniuteqartussatut naatsorsuutigineqanngilaq.

8. Oqartussanik kattuffinnillu il.il. tusarniaaneq

Inatsisissatut siunnersuut piffissami 27. maj 2016 -imit 1. juli 2016-ip tungaanut ukununga tusarniaassutigineqarpoq: Kalaallit Nunaanni kommuneqarfiit sisamat, KANUKOKA, Biskoppeqarfik, Kalaallit Nunaanni Politimestereqarfik, Kalaallit Nunaanni eqqartuussisuuneq, Kalaallit Nunaanni partiit tamarmik, Kalaallit Nunaanni naalakkersuisoqarfiit tamarmik, Kalaallit Danmarkimi Ilinniagaqartut Kattuffiat Avalak, Royal Arctic Line A/S, Royal Greenland A/S, Polar Seafood A/S, Isumaginninnermut Nunamullu namminermt Ministeriaqarfik, Nunanut allanut ministeriaqarfik, Arktisk Kommando, Københavnimi Aalborgimilu Kalaallit illui, Danmarkimi Kalaallit Nunaata Aallartitaqarfia, Bruxellesimi Kalaallit Nunaata Aallartitaqarfia. Aammattaaq inatsisissatut siunnersuut Namminersorlutik Oqartussat tusarniaanermut nittartaagaannut ikkunneqarpoq.

Tusarniaanerup naanerani Aalisarnermut, Piniarnermut Nunalerinermullu Naalakkersuisoqarfimmit aamma Arktisk Kommandomit akissutit tiguneqarput, siunnersuummut oqaaseqaateqanngillat.

Kommuneqarfik Sermersuup inatsisissatut siunnersuut akuersaarpaa.

Qeqqata Kommunia § 60, imm. 3-p allanngortinneqarnissaa pillugu kissaateqarluni saqqummiussaqqarpoq, Qinersisarneq pillugu inatsimmi § 60 imm. 3 naapertorlugu nunaqarfinni aqutsisunut qinersinerup ingerlanneqarnissaata ullussaa qinersinermik siulersuisut aalajangissavaat. Nalinginnaasumik kommunalbestyrelsimut ulloq qinersiffiusoq ilutigalugu nunaqarfinni aqutsisunut qinersisoqartarpoq.

Kommunalbestyrelsimut qinersinissaq apriliip qaammataani marlunngornermut siullermut aalajangersarneqarnikummat, nunaqarfinnilu aqutsisunut qinigassanngortitanik nalunaarutit qinersinissaq ullunik qulinik sioqqullugu § 65 imm. 1 naapertorlugu tunniunneqartarnissaat aalajangersarneqarnikummat, qinigassanngortitanik nalunaarutitik tunniussivissaq arfininngornermut killeqarpoq, allaffeqarfiup matoqqanerani.

Taamaattumik kommunalbestyrelsip § 65, imm. 1, imatut allanngortinneqassasoq siunnersuutigaa:

”Qinigassanngortitanik nalunaarutit nunaqarfimmi taaguinermik siulersuisumut tunniunneqareersimassapput kingusinnerpaamik qinersinissaq ullunik 14-inik sioqqullugu nal. 12.00”.

Naalakkersuisut qinnuteqaat akuersaarpaat aalajangersagarlu iluarsillugu.

Sumiiffimmi sinniisoqarnerup Inatsisartut inatsisissaattut missingiummi matumani siunnersuutigineqartutut issanersoq imaluunniit atorunnaarsinneqassanersoq tunngaviummik erseqqissaaffigineqassasoq KANUKOKA isumaqarpoq.

Taamaattumik KANUKOKA-p kajumissaarutigerusuppaa Namminersorlutik Oqartussat kommunillu politikkikkut oqaloqatigiissutigissagaat sumiiffimmi sinniisoqarnermik aqqissuussineq attatiinneqassanersoq.

Sumiiffimmi sinniisoqarnermik aaqqissuussineq attatiinnarneqassappat KANUKOKA-p tamatumani allannguutissatut siunnersuutigineqartoq tapersorsinnaassavaa, tassa Ivittuut kommunerisimasaanni sumiiffimmi sinniisumik qinersisoqartarunnaassasoq, tasanimi aalajangersimasumik najugaqartumik allassimasoqarunnaareermat.

Taamatutaaq qinersisarneq pillugu inatsimmut atuuttumut naleqqiullugit siunnersuummi allannguutissatut siunnersuutigineqartut allat KANUKOKA-p tapersorsinnaavai. Tamatumani ilaatigut pineqarput allakkatigut taasisarnermut tunngatillugu erseqqissaanissaq aammalu qinersisussat allassimaffiannut ilaanermi imaluunniit ilaannginnermi naammagittaalliuuteqarsinnaanerup erseqqissaatigineqarnissaa.

Qinersinissap aammalu qinigassanngortittut tusagassiuutitigut nuna tamakkerlugu atuuttutigut nalunaarutigineqarnissaannik piumasap atorunnaarsinniarneqarnera taamalu taamaallaat kommunip nittartagaatigut nalunaaruteqarnissap piunasaqaataalernissaa KANUKOKA-p naammagisimaarpaa. Nalunaaruteqarnermi periaatsimik piunasaqaatip taamatut allanngortinniarneqarnera kommunit aningaasarpassuarnik sipaarutigissavaat.

KANUKOKA siunnersuut pillugu allanik taasassaqaanngilaq.

Naalakkersuisut kommunerujussuarni sumiiffimmi sinniisoqarneq pillugu tunngaviusup saneqqunnissaannut pissutissaqartitsinngillat, tassungalu atatillugu UKA 2012/28-mut Inatsisinut Ataatsimiititaliap isumaliutissiissutaa inersuussutigalugu. Taamaammat kissaatigineqartoq maannamut naammassineqanngilaq.

Kalaallit Nunaanni Biskoppip oqaatigaa oqaaseqaatinut § 69, imm. 3-mut ilannguttariaqartoq ilagiit sinniisaanni pisussaataaffik inuttaqanngitsoq sinniisussat allattorsimaffianni qullersaasumit pineqassaaq imaluunniit sinniisussaqaanngippat ilagiit sinniisaanni ilaasortani qinikkani sinneruttunit inuk toqqarneqassaaq.

Taamatut oqaaseqaatit oqaasertai imaakannersunik ilasariaqarput:

Sinniisussat allattorsimaffiannit nuunneq ilagiit sinniisaanit ilaasortat qinikkat gruppiannit (qinigaanikkut pisussaataaffiup annaaneqarnera) ilaasortap ilaasortaajunnaarnera ingerlaannartumik pissaq, ilaasortaq ajoqitut palasitulluunniit piffimmi atorfinitsinneqarpat, aamma ilagiit sinniisaanni taasinissaq piunasaqaataanngilaq.

Piffissami qinigaaffiusup matuma nassatarisimavaa ilagiit sinniisaannit imaqarnilianik pissarsiniartarneq nukissanik atuiffiungaatsiarsimanera, tassa qinikkatut ilaasortaq piffimmi ajoqitut atorfinitsinneqarsimammat.

Naalakkersuisut oqaaseqaat tusaatissatut tiguaat siunnersuummullu naleqqussarlugu.

§ 74: Aalajangersagaq imm. 7-imik pissutsinut imaattunut tunngatillugu ilaneqartariaqarpoq, piffissap killiliunneqartup naanerani qinigassanngortittunit qinerneqartussanit ikinnerupput. Taamatut pisoqartillugu inatsisip oqaasertaani oqaaseqaatitaanilu erseqqissarneqartariaqarpoq qinigassanngortittoq qinigassanngortittulluunniit namminneq akuerineqareernerisa kinguninngua qinigassanngortinnermut amigaataasoq amigaataasulluunniit toqqassavaat, tak. § 77, imm. 3-mi periaaserineqartoq.

Naalakkersuisut oqaaseqaat tusaatissatut tiguaat siunnersuummullu naleqqussarlugu.

Kapitlet ilaasortap qinikkatut qinigaasinnaatitaanerminik annaasaqarnera pillugu aalajangersagaq amigaateqarpoq, tassa ilaasortaq ilagiinni ilinniartinneqarnermut aalajangiisuusumik akerliulluni inissipat suleqatigiinnermullu malunnartumik ajornartorsiutinut pissutaappat.

Annaasaqarneq Qinigaasinnaanermut Ataatsimiititaliamit aalajangiiffigineqartariaqarpoq, aamma ilagiit sinniisaasa nakkutigineqarnerat pillugu malittarisassat nalinginnaasut naapertorlugit suleqatigiinnerup uppersarnissaanut biskoppi pisussaavoq. Aalajangersakkap taassuma isikkuanut teknikkikkullu periutsinut allanut tunngatillugit erseqqinnerusumik oqaloqatigineqarnissamut Biskoppeqarfik aamma piareersimavoq.

Naalakkersuisut isumaqarput apeqqut Qinigaasinnaanermut Ataatsimiititaliami suliarissallugu naleqqutinngitsoq, taamaattumillu kissaatigineqartoq akuersaarniarnagu.

Isumaginninnermut Nunamullu namminermut Ministeriaqarfiup qinersinermut immikkoortortaata makkua oqaatigai:

§ 33, imm. 7-imut aamma 8-mut

Kalaallit Nunaanni kommunalbestyrelsinit, nunaqarfinni aqutsisunut ilagiillu sinniisaannut qinersinernut danskit oqartussaasuisa aallartitaqarfiisalu allakkatigut taasillutik peqataasinnaanerisa danskit inatsisaannit, namminersorlutik oqartussat inatsisaanniunngitsoq, aqqiivigineqarnissaa qulakkeerniarlugu ataani pineqartut allannguutissatut (iluarsiissutitut nalunaaqutserneqartut) siunnersuutigineqarput.

”§ 33 ...

Imm. 7. Qinersisartut naalagaaffiup ilaani allani najugaqartut tamanna pillugu inatsit atuuttoq malillugu piffinni inuit aqqinik nalunaarsuiffimmi allakkatigut taasinermut atorneqartuni taasisinnaapput imaluunniit Naalakkersuisunit taasisutinik tigooraasussatut piginnaatitaasumut taasisinnaapput.

Imm. 8. Qinersisartut naalagaaffiup avataani najugaqartut, tamanna pillugu danskit inatsisaat malillugu danskit naalagaaffiata allanut attaveqarfiani imaluunniit nunani allani naalagaaffiup sinniisuutitaqarfiini, aallartitaqarfinni imaluunniit konsuleqarfinni taasisinnaapput.

Isumaginninnermut Nunamullu namminermut Ministeriaqarfiup malugisimavaa, inatsisissatut siunnersuut nunani allani kalaallit sinniisoqarfiini allakkatigut taasinissamut periarfissiinngitsoq. Tamanna allangorterusunneqarpat, soorlu assersuutigalugu § 33, imm. 8-mi ”kalaallit sinniisoqarfii aamma” kingorna ”taasineq” ilanngunneqarsinnaapput.

Naalakkersuisut Inatsisartut inatsisaanni danskit inatsisaannut innersuussinissaq tunngavissaqartinngilaat. Kisianni nalorninerit pinngitsoortinniarlugit inatsisip oqaasertaani erseqqissumik takuneqarsinnaasariaqarpoq Kalaallit Nunaata avataani allakkatigut taasinerit Danmarkimi Savalimmiunilu nalinginnaasumik allakkatigut taasiffiusartuni taasisoqartassasoq. Taamaattumik Naalakkersuisut § 33, imm. 7-imi oqaasertaliussaq imatut allanngortippaat ”Qinersisartut naalagaaffiup ilaani allani najugaqartut, Danmarkimi Savalimmiunilu oqartussaasut piffinni tamarmik immikkut innersuussaanni taasisinnaapput imaluunniit Naalakkersuisunit taasisutinik tigooraasussatut piginnaatitaasumi taasisinnaapput.”

Ministeriaqarfiup § 33, imm. 8-mut oqaaseqaatai tusaatissatut tiguneqarput tamannalu naapertorlugu iluarsineqarlutik.

§ 34, imm. 2-mut

Inatsisissatut siunnersuutip § 34-ani aalajangersagaq imatut oqaasertarpoq:

”§ 34. Naalackersuisut § 35, imm. 1 naapertorlugu Kalaallit Nunaanni allakkatigut taasinermi atortussat pisariaqartinneqartut pissarsiarissavaat.

Imm. 2. Kalaallit Nunaata avataani taasinermi Danmarkimi Savalimmiunilu taasinerne assingusuni qinersinermit atatillugu taasivissat atorneqartartut atorneqartassapput.

Inatsisissamat siunnersuutip § 34-ani immikkut oqaaseqaatini allanneqarsimavoq, allakkatigut taasinermi atortussat pisariaqartinneqartut Naalackersuisut pissarsiarissavaat aamma taasineq taamaallaat atuuttuutinneqarsinnaavoq atortussap taassuma atorneratigut, aammali Danmarkimiit aamma Savalimmiuniit allakkatigut taasinermit atortussat akuerisaasut Danmarkimi folketingimut aamma kommunimut qinersinermi allakkatigut taasinermit atortussat akuerineqarput.

Aamma tassani allanneqarsimavoq Nunatta avataani allakkatigut qinersinermi danskit oqartussaasuinit Danmarkimi folketingimut qinersinermi atorneqartartussatut suliarineqartut atorneqassapput.

Inatsisit oqaasertaanni taasinermi atortussat, Danmarkimi Savalimmiunilu qinersinermi taasinerit taamaaqatai innersuunneqarpata Isumaginninnermit Nunamullu namminermit Ministeriaqarfiup ilimagaa, kalaallit kommunimut qinersineranni Danmarkimi allakkatigut taasisoqartillugu, folketingimut qinersinermi danskit allakkatigut taasinermit atortuisa atortinneqarnissaat siunertarineqanngitsoq.

Aalajangersakkami siunnersuutigineqartumi oqaaseqatigiit malillugit ministeriaqarfik isumaqarpoq, Danmarkimi allakkatigut taasinermi Danmarkimi kommunimut nunallu immikkoortuini qinersinermi allakkatigut taasinermit atortussat suliarineqarsimasut atorneqarsinnaasut aamma Savalimmiuni allakkatigut taasinermit allakkatigut taasinermit atorneqarsinnaasut, Savalimmiut kommunimut qinersinissamat suliarineqarsimasut. Oqaatigineqassaarli, atortussat kingulliullugit taaneqartut Savalimmiormiutuujummata.

Isumaginninnermit Nunamullu namminermit Ministeriaqarfiup maluginiarpa, danskit folketingimut qinersinermit atugassanngorlugit allakkatigut taasinermit atortussialugit suliat soorlu assersuutigalugu kommunimut qinersinermit atorneri, qinersisartumut allakkatigut taasivissamik tiguisisumut aamma kommunimut, qinersisartup qinersisussatut allassimaffigisaani ularussinermik pissutissaqartitsilersinnaasooq, naggataatigullu kingunerissallugu allakkatigut taasinerup naatsorsuutaajunnaarnera.

Qulaani taaneqartut tunuliaqataralugit Isumaginninnermit Nunamullu namminermit Ministeriaqarfiummut ersernerluppoq, pissutsini sorlarni Naalackersuisut akuerisaannit taasinermi atortussat allat atorneqassanersut aamma allakkatigut taasinermi atortussat suut atorneqarsinnaassanersut.

Taamaattumik Isumaginninnermit Nunamullu namminermit Ministeriaqarfiup siunnersuutigissavaa, allakkatigut taasinermi atortussat suut Danmarkimi Savalimmiuniluunniit kiisalu naalagaaffiup avataani qinersisoqartillugu Kalaallit Nunaanni allakkatigut taasinerit kalaallit qinersineranni pineqartumi taasinermi atortussat suut atorneqassanersut, immikkut nassuiaatinik erseqqinnerusumik itisilerneqassasut.

Isumaginninnermut Nunamullu namminermut Ministeriaqarfiup inatsisip oqaasertaanik aaqqiissutissatut siunnersuutaa (aalajangersakkap pingaaruteqarnerata eqqarsaatigineqarnera pillugu ministeriap qulaani isummenera tunngavigineqarpoq) ataani aaqqiineq nalunaaqutserlugu oqaatigineqarpoq.

”§ 34 ...

Imm. 2. Kalaallit Nunaata avataani taasinermi Danmarkimi Savalimmiunilu qinersinermut taasinermi assingusuni tamanna pillugu danskit savalimmiormiullu inatsisaat malillugit taasinermi atortussat atorneqassapput.”

Allannguutit aamma inatsisissatut siunnersuummut oqaaseqaatini ersittariaqarput, tak. qulaani.

Naalakkersuisut ministeriaqarfiup oqaaseqaatai tusaatissatut tiguaat oqaaseqaatinilu allakkatigut taasinermi atortussat sorliit atorneqarsinnaasut erseqqissaaffigalugit. Naalakkersuisut inatsisip oqaasertaasa allanngortinnissaannut pissutissaqartitsinngillat.

§ 66, imm. 5-imut, aamma § 75, imm. 4-mut

Isumaginninnermut Nunamullu namminermut Ministeeriaqarfiup qulaani oqaaseqaatai inatsisissatut siunnersuummi § 66, imm. 5 aamma § 75, imm. 4, inatsisissatut siunnersuummi §§ 32-38-mi §§ 27-38-milu malittarisassat innersuussutigalugit, Kalaallit Nunaata avataaniilluni nunaqarfinni aqutsisunut qinersinermut allakkatigut taasineq pillugu malittarisassat aamma atuupput.

Naalakkersuisut ministeriaqarfiup oqaaseqaatai tusaatissatut tiguaat oqaaseqaatinilu allakkatigut taasinermi atortussat sorliit atorneqarsinnaasut erseqqissaaffigalugit. Naalakkersuisut inatsisip oqaasertaasa allanngortinnissaannut pissutissaqartitsinngillat.

Inatsisissatut siunnersuummi aalajangersakkanut ataasiakkaanut nassuiaatit
Kommunalbestyrelsimut qinersineq

§ 1-imut

Aalajangersakkami aalajangersarneqarpoq kommunalbestyrelsinut qinersinermi qinersisinnaanermut piumasaqaataasut.

Imm. 1-imut.

Aalajangersakkatigut aalajangersarneqarpoq kinaluunniit danskisut innuttaassuseqartoq ullormilu qinersiviusumi 18-inik ukioqalereersimasoq imaluunniit sivikinnerpaamik ukiuni 3-ni naalagaaffimmi najugaqarsimasoq aamma qinersinissaq sioqqullugu sivikinnerpaamik qaammatini ataqatigiissuni 6-ini Kalaallit Nunaanni aalajangersimasumik najugaqarsimanissamik piumasaqaammut naammassinnissimasoq qinersisinnaatitaavoq. Inuk aalajangersimasumik najugaqalerluni nunani allaniilerpat naalagaaffimmi aalajangersimasumik najugaqarneq kipitinneqartarpoq. Piffissaq naatsorsorneqassaaq inuup kingusinnerpaamik naalagaaffiup iluani aalajangersimasumik najugaqarneraniit.

Kommunimi inuup qinersinissaq sioqqullugu sapaatip akunnerini 6-ini najugaqarfigisimasaani qinersisinnaatitaaneq anguneqartarpoq. Tamanna pillugu malittarisassat inatsisip § 22-ata oqaaseqaatitaani ersarinnerusumik allaaserineqarput.

Oqaaseq “najugaqarneq” inuit nalunaarsorneqarnerannut malittarisassat naapertorlugit paasineqassaaq, tamatumalu kingorna najugaqarfittut paasineqassaaq inissiaq inuup feeriarnini, sulinerminut atatillugu angalanini, napparsimanini assigisaalluunniit pissutigalugit peqannginnermini aalajangersimasumik siniffigisartagaa, pineqartullu pigisaminik uninngatitsivia”.

Inuit peqqussummi aalajangersakkat malillugit kommunimi inuit nalunaarsorneqarfianni nalunaarsimanissamut piumasaqaatinik naammassinnittut kommunimi aalajangersimasumik najugaqartutut isigineqarput.

Najukkamiit peqanngikkallarnissamik aalajangiinermi naliliisoqartariaqarpoq inuk najugarisaminut uteqqinnissaminik siunertaqarneris, taamattaq peqanngikkallarnerup sivisussusaa aamma pingaaruteqarpoq. Peqannginnerup sivisussusaa aalajangersimasumik killilerneqarsinnaanngilaq. Kommunalbestyrelsi taannaavoq peqqussut naapertorlugu CPR-imi nalunaarsuiffimmi nalunaarsuinissamik suliarinnittuusooq.

Imm. 2-mut

Aalajangersakkap imarivaa § 2-mi inuit pineqartut nunatta avataani inissikkallarsimasunut ilaasut, imm. 1-imi, nr. 1 aamma 2-mi nunatsinni aamma naalagaaffeqatigiinnerup iluani aalajangersimasumik najugaqarnissamik piumasaqaammut nalilersuinermi inissikkallarsimanertik ilanngussinnaagaat.

Nunatta avataani najugaqarallarnermik piumasaqaatip aamma siunnersuutip § 2-mut innersuussinerup malitsigaa, inuk nunatta avataaniikkallarnissaq sioqqullugu nunatsinni pinngitsoorani aalajangersimasumik najugaqarsimassasoq. Akerlianik pisoqarpat nunatta avataani najugaqarallarneq ilaatinneqassanngilaq.

Imm. 3-mut

Aalajangersagaq aalajangersakkamik atuuttumik ingerlatitseqqiineruvoq. Kommunalbestyrelsimut ilaasortaq kommunalbestyrelsimut ilaasortaanermi malitsigisaanit nuna tamakkerlugu soqutigisaqaqatigiit kattuffiannut siulittaasussatut toqqarneqarpat, aamma siulittaasuunermut atorfik piffissaq tamaat atorfiuppat aammalu siulittaasoq kommunimi angerlarsimaffimminit nuuttariaqarpat, siulittaasup qinersisinnaatitaanini aamma qinigaasinnaatitaanini kommunimi qimatamini attatiinnassavaa.

§ 2-imut

Kalaallit Nunaanni Inatsisartunut qinersisarneq pillugu Inatsisartut inatsisaanni nr. 9, 31. oktober 1996-imeersumi § 2-mut ataasiakkaanik erseqqissaassuteqarluni aalajangersagaq naapertuuppoq. Aalajangersakkami allannguisoqarnissaa eqqarsaataanngilaq.

Imm. 1-imut.

Aalajangersakkap § 1-imi qinersisinnaatitaaneq annertusivaa, inuit Kalaallit Nunaata avataani najugaqarallartut aamma ilaatilerlugit.

Aamma inooqatitut apparisaq, inuit katissimanermut assingusumik aappariittut aamma nalunaarsugaasumik aappariinnermut peqqussut massakut atorunnaartoq naapertorlugu nalunaarsorneqarsimasutut aappariit aalajangersakkami ilaapput. Pisuni ataasiakkaani nalilersorneqartassaaq aappariit inooqatigiittut imaluunniit nalunaarsugaasumik aappariittut isigineqarsinnaanersut. Tamatumani isiginiarneqassapput inuit nalunaarsorsimaffianni ataatsikkut adresseqartoqarnersoq, meeqqat – ataatsimut imaluunniit apparisap meerai - angerlarsimaffimmi najugaqataanersut, inissiamik ataatsikkut pisisoqarsimanersoq attartortoqarnersorluunniit, aallariartorneq ataatsikkut pisimanersoq il.il.

Pisuni ataasiakkaani naliliisoqassaaq katissimanermut assingusumik aappariittoqalersimanersoq. Tamatumani isiginiarneqassapput inuit nalunaarsorsimaffianni ataatsikkut adresseqartoqarnersoq, meeqqat – ataatsimut imaluunniit apparisap meerai - angerlarsimaffimmi najugaqataanersut, inissiamik ataatsikkut pisisoqarsimanersoq attartortoqarnersorluunniit, aallariartorneq ataatsikkut pisimanersoq il.il.

Siunnersuut inuit aalajangersakkami ilaasut kommunalbestyrelsimut qinersisinnaatitaanerminnik attassisinnaanerannut periarfissaqarnerannik ersarissaasumik imaqarpoq. Inuit taakkua qinersisinnaatitaanertik atorsinnaassagunikku qinersisussat allattorsimaffiannut ilannguteqqullutik namminneq qinnuteqaateqassapput.

Imm. 2-mut

Aalajangersakkami matumani siunertaavoq § 2 naapertorlugu qinersisinnaatitaanerup atorneqarneranut suleriaaseq atuuttoq inatsimmi ersarissarneqassasoq.

Aalajangersakkakut siunertaavoq, § 2 naapertorlugu qinersisinnaatitaanerup atorneqarneranut suleriaaseq atuuttoq inatsimmi ersarissarneqassasoq, taamaasilluni § 2 naapertorlugu qinersisinnaatitaanermik atuerusulluni kissaateqaruni qinersisussat allattorsimaffiannut ilannguteqqulluni qinnuteqassaaq. Qinersisussat allattorsimaffii najugarisaq pillugu paasisutissat tunngavigalugit suliarineqartarmata, tak. § 22, pisariaqarpoq, inuit qinersivimmi najugaqanngitsut, kisiannili Kalaallit Nunaata avataani najugaqarallarnertik pissutigalugu § 2 malillugu

qinersisinnaatitaasut, namminneq qinersisussat allattorsimaffiannut ilannguteqqullutik qinnuteqarnissaat.

§ 2-mi malittarisassap siunertarivaa, inuit Kalaallit Nunaannut qanimut attuumassutillit, immikkut pissuteqartumik Kalaallit Nunaata avataani najugallit, najukkami inuiaqatigiinnut akuuffigisaminnut utertussaanerat eqqarsaatigalugu tamat oqartussaaqataanerannik suli atuisinnaatitaanissaat. Tamanna tunngavigalugu pingaaruteqarpoq, qinersisussat allattorsimaffianni ilaatitaaneq piffissap ilaani naliliiffigeqqinneqartassasoq paasiniaarlugu, inuk Kalaallit Nunaanni qinersisussat allattorsimaffianni ilaasoq, § 2 naapertorlugu suli Kalaallit Nunaata avataani najugaqarallartuunersoq, imaluunniit najugaqarneq § 2-mi pineqanngitsunut allannguuteqarsimansoq. Siunertaq taanna assersuutigalugu isumagineqarsinnaassaaq, qinersisussat allattorsimaffiannut ilanngunneqarneq taamaallaat ukiunik 2-nik sivisussuseqarluni atuuppat, taamaasilluni qinersisussat allattorsimaffianni ilaatinneqarneq assersuutigalugu ukuit 2 qaangiukkaangata ingerlaannaq atorunnaartarluni, tamatumalu kingorna piumasaqaataalerluni qinersisussat allattorsimaffiannut ilanngunneqarnissaq qinnutigeqqinneqassasoq. Qinersisussat allattorsimaffianni ilanngussinermut suleriaatsip erseqqinnerusumik aalajangersarneqarnera § 2-mi inunnut pineqartunut eqaatsumik suleriaaseqarnissaq eqqarsaatigiitigalugu pissutsit pissusissamisuunngitsut pinngitsoortinneqarnissaat eqqarsaatigineqassaaq, tassa inuit § 2 naapertorlugu qinersisinnaatitaasimasut – kisiannili aalajangersakkami pineqartunut ilaajunnaarsimasut – kisiannili suli qinersisussat allattorsimaffianni takuneqarsinnaasut.

Imm. 3-mut

§ 2-mi inuit ilaapput nunatta avataanut nuunngikkallarnermi nunatsinni inuit nalunaarsorsimaffiannut nalunaarsorneqarsimasut nuunnerullu siuliani katillugit ukiuni 2-ni nalunaarsimaffimissimasut. Ukiuni marlunnik piumasaqaat naammassineqarsimasutut isigineqassaaq piffissat arlariit katillugit nunatsinni inunnik nalunaarsorsimaffimmi aalajangersimasumik najugaqarsimasutut nalunaarsorneqarsimatillugu.

§ 3-mut

Aalajangersakkami allannguisoqarnissaa eqqarsaataangilaq.

Aalajangersagaq Inatsisartunut qinersinermi assigisaa atuuppoq, tak. § 1, Kalaallit Nunaanni Inatsisartunut qinersisarneq pillugu Inatsisartut inatsisaat nr. 9, 31. oktober 1996-imeersoq.

Aalajangersakkami inuit pineqartut eqqartuussivikkoortumik Kalaallit Nunaanni atuuttussatut nammineersinnaajunnaarsitaasimasut, Kalaallit Nunaanni Eqqartuussisarnermik inatsisip kapitalia 25 aamma oqartussaassuseqarneq pillugu inatsisip Kalaallinut Nunaanni atulersinneqarnissaa pillugu peqqussut nr. 306, 14. maj 1993-imeersoq kingullermik 3. februar 2016-imi allanngortinneqartoq naapertorlugit ilaapput.

§ 4-mut

Aalajangersagaq maannamut atuuttumut naapertuuppoq.

Aalajangersagaq Inatsisartunut qinersinermi aalajangersakkami assinga atuuppoq, tak. Kalaallit Nunaanni Inatsisartunut qinersisarneq pillugu Inatsisartut inatsisaanni nr. 9, 31. oktober 1996-imeersumi § 3, .

Qinersisussat allassimaffiinik suliaqarnissami oqaaseqaatit §§ 22-26 innersuussutigineqarput.

§ 5-imut

Aalajangersagaq maannamut atuuttumut naapertuuppoq.

Imm. 1-imut.

Qinigaasinnaassuseq siunnersuummi § 1 malillugu qinersisinnaatitaanermik matumani ilanngullugu kommunimi aalajangersimasumik najugaqarnissamik piumasaqaateqarpoq, tak. § 1, imm. 1-imi, oqaasertaliussat siulliit. Aammattaaq qinigaasinnaassusermut piumasaqaataavoq, pineqartoq pissutsinut nalinginnaasumik isigineqarnermi kommunalbestyrelsimut ilaasortaanissamut naleqqukkunnaarsitsisumik pissutsini pinerluttulerinermi inatsisit tunngavigalugit pineqaatissinneqarsimassanngitsoq. Taamaallaat inaarutaasumik eqqartuussineq qinigaasinnaatitaanerup annaaneramik kinguneqarsinnaavoq. Eqqartuunneqarneq suliareqqitassanngortinneqarpat, taamaalilluni eqqartuunneqarneq qinigaasinnaatitaanerup annaaneranut tunngavilersuutaasinnaanngilaq. Inaarutaasumik eqqartuussineq akiliisitsissutissamik akuersinermut naligiissinneqarpoq. Eqqartuussutit akiliisitsissutissamilluunniit akuersinerit, ukiunik tallimanik pisoqaanerusut, ukiut kingulliit pingasut inorlugit pinerluttulerinermi inatsisit tunngavigalugit pineqaatissinneqarsimaneq aatsaat anigorsimannngikkaanni, qinigaasinnaanerup annaanissaanut tunngaviusinnaanngillat. Qinigassanngortittoq, soorlu assersuutigalugu pineqaatissinneqarsimasunut inissiisarfimmiittussanngorlugu ukiut arfineq marluk matuma siorna eqqartuunneqarsimasoq, aatsaallu ukiut marluk matuma siorna iperagaalluni, taamaalilluni qinigaasinnaatitaanngilaq (pissutsit imaappata, eqqartuussaasimanerata, nalinginnaasumik isummertaatsimi suliasamat naleqqutinngitsutut isigineqarluni). Taamaattorli pinerluuteqarsimanikkut pineqaatissinneqarsimaneq pissutigalugu sioqqutsisumik qinigassanngortinnissamut kinaluunniit itigartinneqarsinnaanngilaq. Inuk pineqaatissinneqarsimasoq qinigaappat, Qinigaasinnaassuseq pillugu Ataatsimiititaliaq pineqartup qinigaasinnaassusaanik aalajangiissaaq.

Qinigaasinnaassuseq pillugu Ataatsimiititaliap naliliinera § 59-imut oqaaseqaatini erseqqinnerusumik suliarineqarpoq.

Imm. 2-mut

Inuup qinigaasinnaatitaaneranut tunngatillugu akerliliisoqaraluarpalluunniit, qinersinermut qinigassanngortinnissaa itigartinneqarsinnaanngitsoq aalajangersakkami aalajangersarneqarpoq.

§ 6-imut

Qinersiviit agguataarnerat kiisalu kommunalbestyrelsinut ilaasortat aalajangersakkami aalajangersarneqarput.

Imm. 1-imut

Aalajangersagaq malillugu kommunit ataasiakkaat tamarmik qinersiviupput. Nunami sumiiffiup sinniisuutitaanik qinersinernut tunngatillugu siunnersuummi § 45 innersuussutigineqarpoq.

Imm. 2-mut

Inatsisartut inatsisaanni kommunit aqunneqarnerat pillugu aalajangersarneqartutut kommunalbestyrelsimut ilaasortat amerlassusilerlugit qinerneqassapput.

§ 7-imut

Kommunalbestyrelsimut qinersinissap ullua aamma qinigaaffik ukiuni 4-ni atuuffeqassasoq aalajangersakkami aalajangersarneqarpoq.

§ 8-mut

Imm. 1-imut.

Kommunalbestyrelsimut qinersinissaq piareersarneqassaaq aamma kommunini ataasiakkaani qinersinermut siulersuisunit aqunneqarluni.

Imm. 2-mut

Kommunalbestyrelsinut qinersisoqartussanngornerani qinersinermik siulersuisunit piareersagassat annertunerusumik suliassat nalinginnaasut amerlanerpaat nalornissutigineqarsinnaanngitsut isumagisassaasarpur. Qinersineq pillugu suliassanik nalinginnaasunik taamak ittunik aalajangiineq qinersinermut siulersuisunut siulittaasumit aalajangerneqarsinnaassappur. Tunngaviusumik aalajangiineq annertunerusut qinersinermut siulersuisunit suliarineqartassasut naatsorsuutigineqarpoq, assersuutigalugu sumiiffiit taaguiffiusut amerlassusissaat aamma taaguinermi siulersuisunik toqqaaneq pillugu aalajangiineq. Taamattaq inuit qinersisussat allassimaffianni ilanngunneqarnissaat imaluunniit peerneqarnissaat pillugit aalajangiinerit, qinigassanngortittut nalunaarutigineqartut suliarineqarneri, taasissutip pappiarap akuersissutigineqarnera aamma inini taasiartorfimmi paasissutissatut nivinngagassat akuersissutigineqarneri, qinigassanngortittut allassimaffii il.il. akuerissutigineqarneri kiisalu qinersinerup kisinneqarnera aamma akuersissutigineqarnera pillugu ataatsimiinnermi suliarineqartartussaassappur.

Aalajangersakkap qinersinermik siulersuisunut ataatsimiinnerit oqarasuaatikkut, video atorlugu ataatsimiinnertut il.il. imaluunniit nammineq najuunnikkut ingerlanneqartassasut aalajangiineqartartussaassappur.

§ 9-mut

Imm. 1-imut

Qinersinermik siulersuisut ataasiakkaat kommunalbestyrelsimut atuuttumit toqarneqartassappur. Borgmesteri qinersinermik siulersuisunut siulittaasuvoq. Qinersinermi siulersuisunut ilaasortat toqarneqartussat amerlassusissaat nalinginnaasumik amerlanerussuteqarnikkut kommunalbestyrelsip aalajangiissavaa. Oqaatsini ”minnerpaaq” atorlugu, qinersinermi siulersuisunut ilaasortat toqarneqartut, amerlannginnerusut pinnagit, amerlanerusut kommunalbestyrelsip toqqarsinnaagai nalunaarutigineqarpoq. Qinersinermik siulersuisunut ilaasortat qinerneqassappur nalinginnaasumik annertussutsit imminnut naleqqiunnerata kisitsisinngornera atorlugu kommunit aqunneqarnerat pillugu Inatsisartut inatsisaanni §§35-mi aamma 37-mi malittarisassat malillugit.

Imm. 2-mut

Kommunalbestyrelsimut ilaasortarpasuit qinigassanngorteqqittarmata toqqaannartumik oqaatigineqarpoq, qinersinermik siulersuisunut ilaasortaq ilaasortaaginnarsinnaasoq naak pineqartoq kommunalbestyrelsimut qinigassanngortikkaluarluni.

Qinersinermut siulersuisunut ilaasortat ataasiakkaat piareersaanermut, suliassanik sularinninnermut aalajangiinernullu ilaasortamut imminut tunngasunut peqataassanngilaq. Aammattaaq pisortat ingerlatsineranni suliassat sularineqartarnerat pillugu Inatsisartut inatsisaanni qinersinermik siulersuisut ilanngunneqarsimapput, taakkununga ilanngullugit attuumassuteqarpallaarneq/ aalajangeeqataasinnaannginneq pillugu malittarisassat.

Imm. 3-mut

Qinersinermik siulersuisunut ilaasortat sinniisussaannik qinersisoqartanngilaq. Qinersinermik siulersuisunut ilaasortaq tunuarpat kommunit aqunneqarnerat pillugu Inatsisartut inatsisaanni § 37-mi malittarisassat naapertorlugit qinersinermik siulersuisunut ilaasortamik nutaamik kommunalbestyrelsi toqqaassaaq.

Imm. 4-mut

Aalajangersagaq nutaajuvoq ersarissaatigineqarlunilu Borgmesteri qinersinermik siulersuisunit tunuarpat, kommunalbestyrelsi ilaasortami akornanni siulittaasumik nutaamik toqqaassaaq. Aammattaaq imm. 1-imut oqaaseqaatit innersuussutigineqarput tamatumalu kingorna borgmesteri atorfini naapertorlugu qinersinermik siulersuisunut siulittaasuusaaq.

§ 10-mut

Imm. 1-imut

Taaguinermik siulersuisumut qinersinerup ingerlanneqarnerani ikiuuttussanik toqqaasoqarnissaa suliat ataasiakkaat aalajangersimasut tunngavigalugit qinersinermik siulersuisunit nalilersorneqartassaaq. Taasiartorfissani arlalinnik ineeqqanik qinersiffissaqartussani aammalu karsimik taasivimmik nakkartitsivissamik arlalinnik peqartussani qinersinerup ingerlanneqarnerani ikiuuttussanik arlaqartunik ilaatigut qinersisussaq qinersisussat allattorsimaffiini ilanngunneqarsimanersoq, taasissummik tunniussinerni il.il. ikiuuttussanik pisariaqartitsisoqartassaaq.

Imm. 2-mut

Taaguinermi siulersuisoq qinersinermut nammineerluni qinigassanngortitaasimassanngilaq.

§ 11-mut

Imm. 1-imut

Qinersinermik siulersuisunut ilaasortatut atorfik atorfinnut pisussaaffeqartunut allanut kommunalbestyrelsimut ilaasortat pisussaaffigalugit suliassa at allat assigalugit pisussaaffiuvoq. Taaguinermik siulersuisutut atorfik taamattaaq pisussaaffiliisuvoq, ajornanngippallu pineqartoq isumaqatigiissuteqarfigereerneratigut inuttalerneqartariaqarpoq. Anguniarneqartariaqarpoq taaguinermik siulersuisoq toqqarneqartoq suliassaminut piukkunnaateqarnissaa aammalu piffissaqarnissaa.

Imm. 2-mut

Qinersinermi siulersuisut taakkualu ikiortaat, kommunalbestyrelsimi ilaasortaangitsut, kommunit aqunneqarnerat pillugu Inatsisartut inatsisaanni § 66, imm. 5-6 naapertorlugit akissarsiaqassapput. Akerlianik suliasat taakkua suliarinerini kommunalbestyrelsimut ilaasortat immikkut akissarsisneqarneq ajorput, tak. § 66, imm. 1. nr. 6 inatsimmi aamma tassani.

§ 12-mut

Aalajangersagaq qinersineq sioqqullugu pissutsinik ajornaatsumik naleqqussaavoq. Aalajangersakkami erseqqissaatigineqarpoq nalunaarutit aviisini piffinni saqqummersartuni saqqummiunneqartassasut. Aamma aalajangersakkap allannguuteqarnissaa siunertarineqanngilaq.

Qinersinermik siulersuisut tamanut saqqummiussillutik nalunaarutaat partiit, kattusseqatigiillutik qinigassanngortittut aamma kisimiillutik qinigassanngortittut qinigassanngortillutik nalunaarnissaannut toqqammavissiissaaq aammalu ilaatigut qinigassanngortittut allattorsimaffiisa tunniunneqarnissaannut piffissaliussinermut toqqammavissiissalluni. Nalunaarutip piffimmut sammisuunera aamma internetimik atuinerup suli annertusiartornera eqqarsaatigalugu siunnersuutigineqarpoq aalajangersagaq allanngortinneqassasoq taamaasilluni § 12 naapertorlugu nalunaaruteqarneq taamaallaat kommunip nittartagaatigut pisinnaassasoq. Avaqqunneqarsinnaanngilaq qinersinermik siulersuisut assersuutigalugu qinersinerup ingerlanneqarnissaa pillugu paasissutissat illoqarfiup radioqarfiatigut imaluunniit tv-kkut ussasaarutikkut saqqummiussisinaanerat tassanilu nuna tamakkerlugu tusagassiuutini naqitani imaluunniit kommunip nittartagaani nalunaarummut innersuussisoqarluni.

Qinersinermik siulersuisut sumiiffinni ataasiakkaani pissutsit nalilersoreernerisigut aamma sumiiffinni aviisini saqqummertartuni tamanut saqqummiussisinaapput imaluunniit kalaalimineerniarfiup eqqaani imaluunniit pisiniarfinni il.il. nivinngaanikkut.

§ 13-imut

Aalajangersagaq § 13-imik atuuttumik aqqissuisunit allannguuteqartillugu ingerlatitseqqinneqarpoq.

Imm. 1-imut aamma 2-mut

Qinersinermik ingerlatsinissaaq pillugu paasissutissat piviusut qinersinermik allattaavimmut allanneqartussanut assersuutinik aalajangersagaq allaaserinnippoq. Pissutsit attuumassutillit ingerlaavartumik qinersinermik allattaavimmut qinersinermik siulersuisunit aamma taaguinermik siulersuisunit ilanngunneqartussat nalunaarsorneqanngippata qinersinermik siulersuisutut aamma taaguinermik siulersuisutut pisussaaffimmik sumiginnaanersaaq.

Aalajangersakkami ilanngunneqartut saniatigut qinersinermut pissutsinik pingaaruteqarnerusutut ilanngunneqarsinnaapput qinersinermik siulersuisut qinersineri, qinersinermik siulersuisut ataatsimiissimaneri, § 12 naapertorlugu tamanut saqqummiussinerit aammalu qinersisussat allassimaffiisa suliarineri pillugit paasissutissat.

Naalakkersuisut qinersinermik allattaavimmik naqinneqareersumik suliaqassapput allattaavillu pineqartoq qinersinermik siulersuisut pinngitsooratik atortussaavaat aamma allaffigalugu.

Qinersinermik allattaavik immi pappiaranngorlugu imaluunniit elektroniskiusumik agguanneqarsinnaasuusaaq.

§ 14-imut

Imm. 1-imut.

Aalajangersakkap tamakkiisumik malittarisaliuuppaa, qinigassanngortittoq qanoq iliorluni kommunalbestyrelsimut qinersinermut qinigassanngortissinnaanersoq.

Siuliani inatsit ilutigalugu tamassuma tungaatigut partii tunulequtaralugu imaluunniit kisimiillutik katusseqatigiillutik qinigassanngortittut amerlassusissaat aalajangersaanikkut killilersorneqanngilaq.

Partii qinigassanngortitsisinnaanersutut isigineqarsinnaanersoq Kalaallit Nunaanni Inatsisartunut qinersisarneq pillugu Inatsisartut inatsisaanni aalajangersakkani tunngaveqarpoq.

Imm. 2-mut

Aalajangersakkami allaqqavoq, inummik ataatsimik attaveqaataasussamik paasisitsisoqarnissaa pisussaaffiusoq. Qinersinermik siulersuisut nalunaaruteqarnermut tunngassutillit tamaasa attaveqaataasumut nalunaarutigisarsinnaavaat. Attaveqaataasumut nalunaaruteqarnermut ilutigitillugu paasisutissiineq qinigassanngortittunut ataasiakkaanut tamanut nalunaaruteqarnertut isigineqassaaq. Attaveqaataasup akisussaaffigivaa nalunaarutigineqartoq ingerlateqqissallugu aammalu kukkunerusinnaasut imaluunniit amigaatit naqqinneqarnissaa qulakkiissallugu.

§ 15-imut

Aalajangersakkami partiit qinigassanngortitaat malittarisassiunneqarput aamma § 15-imik atuuttumik allannguuteqartilaaarlugu ingerlatitseqqiineruvoq. Siunnersuutigineqarporli qinigassanngortittut allattorsimaffiisa tunniunneqarnissaannut piffissaliusaaq sivitsorneqassasoq.

Imm. 1-imut.

Siunnersuut imaqarpoq qinigassanngortittut allattorsimaffiisa tunniunneqarnissaannut piffissaliusaaq qinersinissaaq sioqqullugu sapaatip akunnerini 4-niit 6-nut allanngortinneqassasoq.

Partii sinnerlugu qinigassanngortinnermik nalunaaruteqarneq pissaaq partiinut nalunaarsuiffissatut allaffissiatigut, partiilu Inatsisartunut qinigassanngortitsisussaataassaaq. Partiinut nalunaarsuiffissatut allaffissiaq immersugassiaq qinersinermik siulersuisunit suliarineqarsimassaaq. Tassunga atatillugu qinersinermik siulersuisut isumannaarsimassavaat immersugassap imm. 2-mi aamma imm. 3-mi piumasaqaatit naammassisimanissaaq.

Imm. 2-mut

Imm. 2-mi aamma 3-mi piumasaqaataasut saneqqunneqarsinnaatitaanngillat. Nalunaarummi paasisutissat allanneqarsimanngippata nalunaarut kukkusumik immersorsimasutut isigineqassaaq, tak. siunnersuutip §. 19, imm. 1-ia.

Qinigassanngortinnermi atermik taaguummik atuineq qinersinermik siulersuisunut akueritereernikkut pisinnaavoq. Qinnutigineqartup akuerineqarnissaanut apeqqutaassaaq, atip

qanoq ittuunera atorneqarneralu, tassunga ilanngullugu, qinigassanngartittoq allanut attuumassuteqartillugu taaneqarsimanersoq, qinigassanngartittoq qanoq imminut innersuutiginersoq aamma qanoq atsiortarnersoq, kiisalu taaguut siammasissumik kikkunnit tamanit nalinginnaasumik atorneqartarnersoq. Atit taaguutit ikinngutiginnermi aamma ilaqutariissutsip iluini atorneqartartut atorneqarsinnaanngillat.

Qinersinermik siulersuisut partiinut qinigassanngartittut nalunaarsuiffissatut allattorsimaffiisa suliarinerini kingusinnerpaamik nalunaarsuiffiup tunniunneqarnerata nalaani takussutissaqassaaq inuit nalunaarummik akuersisimasut akuersinissamut piginnaatitaanerata uppersaateqartillugu.

Imm. 3-mut

Siunnersuut suleriaaseq atuuttoq naapertorlugu erseqqissaammik imaqarpoq, Qinigaasinnaassuseq pillugu Ataatsimiititaliaq Pinerluttulerinnermut nalunaarsuiffimmi paasissutissanik pissarsiniarnissaminut qinigassanngartinneqartunit pisussaaffilerneqassasoq. Inunnut tamanut kommunalbestyrelsimut aamma nunaqarfimmi aqutsisunut qinerneqartunut paasissutissat Qinigaasinnaassuseq pillugu Ataatsimiititaliami suliarineqarnissamut tunngavissisussat piniarneqassapput. Siunnersuut § 59-imi imm. 5-imut innersuussisumik imaqarpoq, taamaasilluni erseqqissarneqarpoq qinigassanngartittut piginnaatitsissummik tunniussinerisigut Qinigaasinnaanermut Ataatsimiititaliaq pinerluuteqarsimanikkut pineqaatissinneqarnermut tunngatillugu ingerlaavartumik paasitinneqarsinnaavoq.

Imm. 4-mut aamma 5-imut

Partiit qinigassanngartitaminnik nalunaarutaat partiimut atsiorsinnaatitaasumit atsiorneqarsimassapput. Atsiorneq taanna amigaataappat, imaluunniit atsiorsinnaatitaanngitsumik atsiorneqarsimappat, nalunaarut atorsinnaanngilaq.

Imm. 6-imut

Partiit kattusseqatigiillutik, kattusseqatigiinni qinigassanngartittut imaluunniit kisimiillutik qinigassanngartittut kattusseqatigalugit qinigassanngartitsisinnaanngillat.

§ 16-imut

Aalajangersakkakut kisimiilluni qinigassanngartittoq malittarisassiuunneqarpoq aamma § 16-imi atuuttumi aqqissuussinikkut allannguuteqartilaarlugu ingerlatseqqinneruvoq, taamaattorli siunnersuutigineqarpoq piffissaliussaq sivitsorneqassasoq.

Imm. 1-2-mut

Siunnersuut imaqarpoq qinigassanngartittut allattorsimaffiisa tunniunneqarnissaannut piffissaliussaq qinersinissaq sioqqullugu sapaatip akunnerini 4-niit 6-nut allanngartinneqassasoq.

Qinigassanngartittunik partiit avataanni qinigassanngartitanik nalunaarutiginninneq qinersinermik siulersuisut qinigassanngartittut pillugit allaffissiaasigut nalunaarutigineqartassaaq. Qinersinermik siulersuisut qulakkiissavaat, imm. 2-mi piunasaqataasut qinigassanngartitanik nalunaarutiginninnermi immersugassiami naammassineqarsimanersut. Immersugassiaq immini allaffigisinnaanngorlugu aammalu qarasaasiatigut elektroniskinnngorlugu paasissutissanik immersorneqarsinnaasunngorlugu kingornatigullu anisinneqarsinnaasunngorlugu sananeqarsinnaavoq. Qinersinermik siulersuisut immersugassiap suliarineqarnerani

qulakkeersimassavaat immersugassiami naqinneqareersumi qinigassanngortittut ataasiakkaat pillugit paasissutissartaannik allattuiffissaqarnissaa, tak. siunnersuummi § 17, imm. 1.

Imm. 2-mi piumasaqaatit saneqqunneqarsinnaatitaanngillat. Nalunaarummi paasissutissat allanneqarsimannippata nalunaarut kukkusumik immersorsimasutut isigineqassaaq, tak. siunnersuutip §. 19, imm. 1-ia.

Imm. 3-mut

Suleriaaseq atuuttoq naapertorlugu siunnersuut erseqqissaammik imaqarpoq, Qinigaasinnaassuseq pillugu Ataatsimiititaliaq Pinerluttulerinermut nalunaarsuiffimmi paasissutissanik pissarsiniarnissaminut Qinigassanngortinneqartunit pisussaaffilerneqassasoq. Inunnut Kommunalbestyrelsimut nunaqarfimmilu aqutsisunut qinerneqartunut tamanut allassimaffik piniarneqassaaq paasissutissallu Qinigaasinnaanerup misilinneqarnissaanut Ataatsimiititaliami suliarineqarnissaanut tunngavissiiissallutik. Qinigaasinnaassuseq pillugu Ataatsimiititaliaq ilaasortat qinigaasinnaanerisa annaaneqarsinnaanerunik apeqqutini tamani taamaallaat aalajangiisinnaatitaavoq, tak. § 59, imm. 2.

Imm. 3-mut

Siunnersuummi § 15, imm. 3-mut nassuiaatit innersuussutigineqarput.

§ 16a-mut

Aalajangersagaq nutaajuvoq. Siunnersuutigineqarpoq inatsimmi erseqqissaatigineqassasoq kisimiillutik qinigassanngortittut kattusseqatigiinni qinigassanngortissinnaasut. Periarfissaq maannamut inatsimmi § 16-imi, imm. 4-mi pineqartumut ilaasimavoq, kisianni massakut siunnersuutigineqarpoq avissaartillugu immikkut aalajangersagannussasoq. Aamma allannguisoqarnissaa siunertarineqanngilaq.

Qinigaasinnaanermut periarfissat annertusarniarlugit inuit marluk amerlanerusulluunniit partiit avataatigut qinigassanngortittut kattusseqatigiillutik qinigassanngortissinnaapput. Aalajangersakkami kattusseqatigiinni qinigassanngortinnissamut piumasaqaatit tamakkiisumik allattorneqarsimapput.

§ 17-imut

Aalajangersagaq § 17-imik atuuttumik allannguuteqartitsilaarluni ingerlatitseqqiineruvoq.

Imm. 1-imut

Aalajangersakkakut kisimiilluni qinigassanngortittumut qinigassanngortitsisut ikinnerpaamik amerlassusissaat aalajangersarneqarpoq.

Imm. 2-mut

Aalajangersakkami allattorneqarsimapput nalunaarut atuussinnaassuseqassappat tamakkiisumik paasissutissanik sunik imaqassanersoq.

Imm. 3-mut

Qinigassanngortitsisup kommunalbestyrelsimut qinersisinnaatitaanermut piumasaqaatit naammassisimassavai.

Qinigassanngortitsisoq taamaallaat qinigassanngortittumut ataasiinnarmut qinigassanngortitsisuusinnaavoq. Qinigassanngortittunut arlaqartunut qinigassanngortitsisuusoq arlaannaannulluunniit qinigassanngortitsisutut isigineqarsinnaangilaq. Tamanna qinersinermik siulersuisut qinigassanngortitsilluni nalunaarfissami piumasaqaatit allassimasariaqarpaat. Innersuussutigineqarpoq qinigassanngortittut ikinnerpaanik qinigassanngortitsisussatut piumasaqaatit amerlassusaat sinnerlugit qinigassanngortitsisoqarnissaat. Taamaaliornikkut qulakkeerneqassaaq qinigassanngortitsineq atortussaajunnaarsinneqassanngitsaq qinigassanngortitsisup ataatsip qinigassanngortitsissunni tunuartissagaluarpagu imaluunniit qinigassanngortitsisuusoq ataaseq sinnerlugu qinigassanngortitsisuusimanera paasineqarpat.

Qinigassanngortitsisoq qinigassanngortinniakkamut kommunimi allami qinersisussat allassimaffianni nalunaarsorneqarfimmi allassimasumut qinigassanngortitsisuusinnaangilaq. Assersuutigalugu qinersisartut qinigassanngortitsisut Qaasuitsup Kommunianiittut Kommune Kujallermiittunik qinigassanngortitsisuusinnaangillat.

§ 18-imut

Aalajangersagaq § 18-imi atuuttumik ingerlatitseqqinneruvoq, taamaattorli siunnersuutigineqarpoq nalunaarutiginninnerup utertinneqarnissaanut piffissaliussaq qinersinissaq sioqqullugu sapaatip akunnerinut 6-inut allanngortinneqassasoq.

Imm. 1-imut

Siunnersuutigineqarpoq siunissami qinigassanngortittoq qinersinissaq sapaatip akunnerinik arfinilinnik sioqqullugu kingusinnerpaamik nal. 12, qinigassanngortinnermut nalunaarutiginninnermik utertissinnaassasoq.

Imm. 2-mut

Qinigassanngortitsisup akuersissutaa qinigassanngortitsinermik nalunaarut qinersinermik siulersuisunut tunniunneqareersimappat utertinneqarsinnaangilaq.

§ 19-imut

Aalajangersagaq § 19-imik atuuttumik allannguuteqartitsilaarluni ingerlatitseqqiinneruvoq. Aamma aalajangersakkami allannguisoqarnissaa siunertarinqanngilaq.

Imm. 1-2-mut

Qinigassanngortitanik nalunaaruteqarnissamut piffissaliussaq naaniariarpat qinersinermik siulersuisut ataatsimiissapput qinigassanngortitanut nalunaarutit tunniunneqarsimasut suliarissallugit akuerissallugillu.

Ataatsimiinnerup kingornagut qinigassanngortittut aamma qinigassanngortitanik nalunaaruteqarnermi attaveqaatissatut allassimasut qinigassanngortittut akuerineqarnerinik nalunaarfigineqassapput.

Pinerluuteqarsimanikkut pineqaatissinneqarsimaneq pissutigalugu qinigassanngortinnissamut sioqqutsisumik qinersinermik siulersuisut itigartitsisinnaangillat, tak. § 5, imm. 2. Assersuutigalugu inuk isertitsivimmiittussanngorlugu pineqaatissinneqarsimasoq qinigassanngortissimappat kommunalbestyrelsimut qinersinissamut qinigassanngortissinnaatitaassaaq.

Imm. 3-mut

Aalajangersagaq qinersinermut siulersuisut qinigassanngortittut aqqinik nuna tamakkerlugu tusagassiuutitigut tamanut saqqummiinissaminnik pisussaaffeqarnerannik imaqarnikuusoq allanngortinneqarpoq tamatuminna kommunip nittartagaatigut tamanut saqqummiinissaminnik pisussaaffeqalernerannik imaqartilerlugu. Kalaallit Nunaanni internetip siammarsimassusia eqqarsaatigalugu aamma inuttaasunut pitsaanerusemik ullutsinnullu naleqqunnerusemik kiffartuussineq tassa qinigassanngortittunut allattuiffiup ulloq tamanut saqqummiunneqarfianiit nammineerlutik iserfiginnissinnaanissaat eqqarsaatigalugu allannguut suliarineqarpoq. Allannguut isumaqanngilaq, qinersinermik siulersuisut qinersinissap ingerlanneqarnissaa pillugu paasisutissanik aviisitigut illoqarfiup radioqarfiatigut, tv-kkut imaluunniit kommunip nittartagaani nalunaarummut innersuussillutik saqqummiinnaassanngitsut.

Qinersinermik siulersuisut sumiiffinni ataasiakkaani pissutsit nalilersoreernerisigut aamma sumiiffinni aviisini saqqummersartuni tamanut saqqummiussisinnaavoq imaluunniit kalaalimineerniarfiup eqqaani imaluunniit pisiniarfinni il.il. nivinngaanikkut.

§ 20-mut

Qinersinermik siulersuisut kaammattuuteqarneratigut qinigassanngortittunik naammattunik qinigassanngortittoqanngippat, Qinersinermut Ataatsimiititaliaq § 80 naapertorlugu ulloq qinersiffissaq kinguartissinnaavaa. Tamatumalu kingorna qinigassanngortissinnaasunik nutaamik misissuisoqarsinnaavoq. Kommunalborgstyrelsi issiasoq kommunalborgstyrelsip nutaap atulersinneqarnissaata tungaanut atuutiinnassaaq, tak. siunnersuummi § 53, aamma tak. periuseq § 52, imm. 2-miittoq.

§ 21-mut

Imm. 1-imut aamma 2-mut

Qinigassanngortittut nalunaarutigineqarsimasut amerlassusaat ilaasortatut qinerneqartussatut amerlatigippata qinersinissaq taamaatinneqassaaq. Taamaasillunilu qinersinissamik ingerlatsisoqarsinnaassanngilaq. Qinersinermik allattaavimmi allassimassaaq qinigassanngortittut kikkut qinigaasimasutut isigineqarsinnaanersut.

Imm. 3-mut

Ilaasortaaffiit agguataarneqassapput § 45-mi periutsit naapertorlugit aammalu qinersinermik siulersuisut ersarinnerusemik maleruagassiinerisigut. Nunami sumiiffiup sinniisaatut ilaasortaaffiit siulliullugit inuttalernerneqassapput tamatumalu kingorna ilaasortaaffiit sinneri. Nunami sumiiffiup sinniisaatut qinikkat aalajangersimasumik najugaqarnissamik piumasagaataasut suli naammassisariaqarpaat. Qinigassanngortittut akornanni aalajangersimasumik najugaqarnissamik piumasagaammik naammassinnittunik naammattunik peqanngippat, inissaq inuttalernerneqassaaq kommuniusimasumi aalajangersimasumik najugaqarnissamik piumasagaateqartinnagu.

Qinersinermi inernernik amigaateqarpat ilaasortaaffiit agguataarneqarsinnaapput makitsineq tunulequtaralugu imaluunniit qinigassanngortittut naqinnerit tulleriiaarneri malillugit aaqqissuunnerisigut.

Sinniisussat allattorsimaffiannik suliarinnittoqarsinnaassanngilaq.

§ 22-mut

Aalajangersagaq § 22-mik atuuttumik allannguuteqartitsilaaarluni ingerlatitseqqiineruvoq.

Imm. 1-imut aamma 5-imut

Aalajangersakkat qinersisinnaasut allattorsimaffiannut ilanngunneqarnissamut piumasaqaatinik tamakkiisunik imaqarput.

Inuit aqqisa nalunaarsorsimaffianni paasissutissat tunngavigalugit qinersisussat allassimaffiat suliarineqassaaq. Inuit aqqisa nalunaarsorsimaffiannut nalunaaruteqartarneq kommunalbestyrelsimit suliarineqassaaq. Qinersisussat allassimaffianik suliarinninnermi kommunalbestyrelsi pisussaavoq ikiuutissalluni. Inuup qinersisussat allattorsimaffiannut ilanngunneqarnissaanut imaluunniit ilanngunneqannginnissaanut qinersinermik siulersuisut aalajangiissapput.

Imm. 6-imut

Qinersisinnaasut allassimaffiata piviusumik ilusilerneqarnissaanut malittarisassanik Naalakkersuisut aalajangersaasinnaapput.

§ 23-mut

Imm. 13-imut

Aalajangersakkami piumasaqaataasut sukumiisumik allattorneqarput kommunimi sorlermi inuit nunatta avataaniikkallartut qinersisussat allattorsimaffiannut § 2 naapertorlugu ilanngunneqartussaasersut.

Imm. 4-mut

Qinersisussat allassimaffiannut ilanngunneqarnissamik qinnuteqaatip suliarineqarnissaanut malittarisassanik ersarinnerusunik Naalakkersuisut aalajangersaasinnaapput.

§ 24-mut

Siunnersuutigineqarpoq § 24-mi, imm. 4 maannakkut atuuttoq peerneqassasoq, taamaasillunilu ilagiit sinniisissaannut qinersinissamut qinersisussat allattorsimaffianni ilanngunneqarnermi imaluunniit ilanngunneqannginnermi naammagittaalliuuteqarnissamut periarfissaq ersarissarneqassaaq. § 26-mut oqaaseqaatit innersuussutigineqarput. Tamatuma saniatigut aalajangersagaq § 24-mik atuuttumik allannguuteqartilaarlugu ingerlatitseqqiineruvoq.

Imm. 1-imut aamma 2-mut

Aalajangersakkani aalajangersarneqarpoq qinersisinnaasut allassimaffiat paasissutissanik sunik tamakkiisunik imaqassanersoq.

Imm. 3-mut

Qinersisartoq ilagiinnut ilaasortaanersaq qinersisussat allassimaffianni paasissutissanik ilaqartinneqassaaq, ilagiit sinniisaannut qinersineq ullormi tassani aamma pisussaammat. Qinersisinnaasut allassimaffiannik tamanut saqqummiinermi qinersisinnaasup Kalaallit Nunaanni ilagiinnut ilaasortaanera pillugu paasissutissaq ilaatinneqassanngilaq.

§ 25-mut

Qinersisinnaasut allassimaffiannik sumiiffimmi kikkunnit tamanit takuneqarsinnaasumi saqqummiineq qinersinissamik piareersaanermut qitiusunut ilaavoq. Kikkut qinersisinnaatitaanersut qinersisussat allassimaffianni ilanngunneqarsimanerinek innuttaasut misissuinissamut periarfissaqartinneqassapput. Qinersisinnaasut allassimaffii tamarmiusut qitiusumik saqqummiunneqassapput. Qinersisinnaasut allassimaffiannik innuttaasut ajornanngitsumik pisariitsumillu takunnissinnaanissaat eqqarsaatigalugu kommunip iluani qinersivinnut ataasiakkaanut qinersisinnaasut allassimaffii immikkoortui ilanngullugit saqqummiunneqartariaqarput, tassani allassimassalluni kikkut qinersivinni ataasiakkaani qinigassanngortissimanersut. Qaqugukkut sumilu qinersisussat allassimaffiata saqqummiunneqarnissaanut ilanngullugu qinersinermik siulersuisut aalajangersinnaavaat saqqummiussinissaq illoqarfiup aviisiani imaluunniit kommunip nittartagaani nalunaarutigineqassasoq. Qinersisinnaasut allassimaffiannik kommunip nittartagaatigut tamanut saqqummiineq aamma naleqqunnerusaaq innuttaasut, tassunga ingammik innuttaasut § 2 naapertorlugu qinersisinnaatitaasut ilaasut ajornannginnerusumik nakkutigisinnaavaat qinersisinnaasut allassimaffianni eqqortumik ilanngunneqarsimanerlutik.

§ 26-mut

Aalajangersakkami qinersisinnaasut allassimaffianni ilanngunneqarneq imaluunniit ilanngunneqannginneq pillugu naammagittaalliuuteqarnermi periusissat aalajangersarneqarput. Siunnersuutigineqarpoq aalajangersakkami erseqqissaatigineqassasoq, ilagiit sinniisaannut qinigassanngortinnissamut qinersisinnaasut allattorsimaffianni ilanngunneqarneq imaluunniit ilanngunneqannginneq pillugu naammagittaalliuutinik suliaqarnermi qinersinermut siulersuisut Biskoppip oqaaseqaataanik piniartassasut. Taamaasilluni naammagittaalliuuteqarnissamut periarfissaq erseqqissaatigineqassasoq siunnersuutigineqarpoq, tassa naammagittaallit qinersinermut siulersuisunut tunniunneqartassaaq, tassanilu aalajangiineq Qinersinermut Ataatsimiititaliamut saqqummiunneqarsinnaavoq. Qinersinermut Ataatsimiititaliap aalajangiineri inaarutaasumik aalajangiinerupput. Aalajangersakkami naammagittaalliummik tunniussinissamut tamakkiisumik periusissaq kiisalu piffissaliinerit aalajangersarneqarput.

§§ 27-28-mut

Aalajangersakkat kingunerivaat taasiviit pappiarat krydsiligassat naqinneqareersimasut atorneqarnissaat. Aalajangersakkami taasivissat qanoq iluseqarnissaat aamma qanoq imaqarnissaat pingaarnerusumik aalajangersaavigineqarput. Ilaatigut partiit, kattusseqatigiillutik qinigassanngortittut kiisalu kisimiillutik qinigassanngortittut qanoq tulleriarnissaat pineqarpoq.

Taasivissat ilusilernissaat pineqartillugu, pappiara qanoq atsigisoq atorneqassasoq, qanoq ilusilersorneqassasoq il.il. qinersinermik siulersuisut naqiteriviullu qanoq isumaqatigiissuteqarnerat

apeqqutaaneruvoq. Naatsorsuutigineqarpoq, kommunimi qinersinermut siulersuisut qinersinermut sunniteqarluartumik piareersaanerit eqqarsaatigalugit taasivissat ilusilersorneri pillugit ataatsimut periutsinik aqqissuussiaartaat.

Kommunalbestyrelsinut qinersinerni taasivissat atorneqartussat ilusilersorneqarneri pillugit Naalakkersuisut maleruaqqusaliorsinnaapput. Naalakkersuisut ilaatigut pappiara qanoq ittoq, qalipaat sorleq, angissuseq aamma naqinnerit qanoq ittut atorneqartussat pillugit maleruaqqusaliorsinnaapput. Taamattaq naqiterivimmik Naalakkersuisunit akuerineqarsimasumik pinngitsoorani atuisoqarnissaanik Naalakkersuisut aalajangiisinnaapput.

Taasivissat krydsiligassat atorneqannginnissaanik Qinersinermut Ataatsimiititaliaq akuersissuteqarsinnaavoq. Aalajangersagaq atorneqarsinnaavoq assersuutigalugu taasiviit pappiarat krydsiligassat naqinneqareersimasut taasiffissamut piffissaagallartillugu anngussimanngippata imaluunniit taasivissanik naqitertitsinissaq pisinnaassanngikkaluarpat. Aalajangersagaq taamattaq atorneqarsinnaavoq qinigassanngortittut ima amerlatigissagaluarpata taasivissap aningavallaalerneranik kinguneqarluni. Taamaappat Naalakkersuisut ersarinnerusumik aalajangersaanerisigut taasivissat atorneqassapput, taasineq pissaaq qinigassanngortittup aqqanik qinersisartup taasivissamut allanneratigut.

§ 29-mut

Aalajangersagaq qinersinerup ingerlanneqarneranik naleqqussaavoq. Siunnersuutigineqarpoq erseqqissaatigineqassasoq qinersinerup eqqissisimasumik torersumillu ingerlanneqarnissaa kiisalu inimi qinersiviusumi qinersinerup ingerlannerani qineqqusaartitsisoqannginnissaa taaguinermik siulersuisumit qulakkeerneqarnissaa.

Imm. 1-imut

Qinersinermut siulersuisunit qulakkeerneqassaaq, taasiartortarfanni ataasiakkaani inidik naleqquttumik qinersinerup ingerlanneqarneranut atorsinnaasumik peqarnissaa.

Imm. 2-mut

Taaguinermik siulersuisumit qulakkeerneqassaaq, qinersinerup ingerlanneqarneranut atortut pisariaqartinneqartut saqqumisumi pigineqarnissaat. Ilutigitillugu taaguinermik siulersuisumit qulakkeerneqassaaq, qinersinerup eqqissisimasumik torersumillu ingerlanneqarnissaa aamma inimi qinersiviusumi inuit qinersinerup ingerlanneqarneranik akornusersuippata taakkuninnga anisitsisinnaanissaa.

Imm. 3-mut

Aalajangersakkami inip taasiartorfiusup aamma taasiffiup aqqissuunna aalajangersarneqarpoq.

Imm. 4-mut

Aalajangersakkami karsinut nakkartitsivinnut piumasaqaatit aalajangersarneqarput.

Imm. 5-imut.

Aalajangersagaq nutaajuvoq aamma inimi qinersiviusumi qineqqusaartitsisoqannginnissaanik aalajangersaasuulluni. Qineqqusaartitsineq ima paasineqassaaq qinersinermut atortunik, erfalasunik il.il. agguaassineq. Taaguinermik siulersuisoq imm. 1 naapertorlugu inimi taaguiffiusumi inunnik qineqqusaartitsinermik ingerlatsisunik anisitsisinnaavoq.

§ 30-mut

Aalajangersakkani qinersinerup naammassineqarnissaanut pissutsit assigiinngitsut aalajangersarneqarput, ilaatigut piffissaliunneqartoq, sumi ingerlanneqarnissaa aammalu ineeqqat taasivissat qanoq iluseqartinneqarnissaat.

Imm. 1-imut

Qinersinerup ammarneqarneranut atatillugu taaguinermik siulersuisup taasinermi karsit nakkartitsiviit imaqqanngitsuunissaat misissussavaa tamatumalu kinguinnguutigut parnaarlugit.

Imm. 2-mut

Inini tasiartorfinni aamma ineeqqani taasiffiusuni qinigassanngortittut allattorsimaffii nivinngarneqartut, tak. siunnersuutip § 30, imm. 2, taasivissap naqinneqareersup allisinneratigut pisinnaavoq.

Imm. 3-mut

Qinersisinnaassuseq nammineeirluni taasinnikkut pissaaq, tak. § 30, imm. 3. Taamaalilluni qinersisartoq taasinermini sinniisoq atorlugu taasisitsisinnaanngilaq. Qinersisussat allattorsimaffiannik nakkutilliisoq qinersisartup kinaassusaanik nalornissuteqassagaluarpas qinersisartup kinaassusaa uppersartittariaqarpaa, ilaatigut kinaassutsimik pappiaranik kinaassutsimik uppersaataasinnaasut atornerisigut.

Imm. 4-mut

Aalajangersakkami aalajangersarneqarpoq inimi taasiviliaasumi qinersisoq kisimi isersimasinnaasoq. Taamaasilluni qinersisoq taasitillugu qanigisaasut imaluunniit allat isersimaqqusaanngillat. Tassanili meeqqat ukiukitsut ilaatinneqanngillat. Aammattaaq taasinermut nalinginnaasumik piunasaqaatit aalajangersarneqassapput. Taamaasilluni pappiaqqami taasiviusumi qinigassanngortittumut inuulluaqqusissutinik allataqarnissaq inerteqqutaassaaq. Piunasaqaatigineqartut eqquutitinneqanngippata taasineq atorsinnaanngitsutut isigineqassaaq.

Imm. 5-imut

Aalajangersakkami aalajangersarneqarpoq taaguinermik siulersuisoq kingullerpaajulluni taasissasoq.

Imm. 6-imut

Pappiaaraq taasiviusoq kukkusumik immersorneqarsimatillugu qinersisartoq nutaamik tunineqarsinnaavoq pappiaaraq taasiviusoq karsimut nakkartitsivimmut nakkartitsinnagu kukkuneq uparuaatigineqarpat.

Imm. 7-imut

Aalajangersakkami tamakkiisumik aalajangersarneqarpoq pissutsit qanoq inneranni qinersisartoq taasinnissaminut ikiorneqarsinnaasoq. Tamanna pisinnaavoq assersuutigalugu qinersisartoq timimigut innarluuteqarneq pissutigalugu nammineq pappiaaraq taasiviusoq allaffigisinnaanngippagu.

§ 31-mut

Aalajangersagaq § 31-mik atuuttumik allannguuteqartilaarlugu ingerlatitseqqiineruvoq, aamma qinersinermik ingerlatsinerup qaqugukkut ammarneqarnissaa taamaatinneqarnissaalu aalajangersarneqarput.

Kinaluunniit qinersisartuq qinersinissamut itigartinneqarsinnaanngilaq, qinersisartuq qinersinerup naannginnerani inimi qinersiartorluni isereersimappat.

§ 32-mut

Siunnersuut kialuunniit qinersisinnaatitaasup allakkatigut taasisinnaanerminut pisinnaatitaaffeqarnerata erseqqissaatigineqarneranik imaqarpoq. Aalajangersagaq atuuttoq ima oqaaseqatigeeqarpoq, taamaallaat inuit pjarissersungaatsiarlutik taasiartorfimmukarsinnaasut allakkatigut taasisinnaapput. Inatsisilli atuuttup taassuma oqaaseqaatitaani allaqqavoq, inuup allakkatigut taasinissaminut pisinnaatitaaffeqarneranik naliliineq qinersisartup kisimi nalilertaraa aamma Inuit aqqinik nalunaarsuiffiup imaluunniit inuit allakkatigut taasissutinik tiguisussatut piginnaatinneqartut qinersisartuq allakkatigut qinersiniartuq itigartissinnaanngikkaat. Taamaasilluni aalajangersakkamik allannguinermi qinersisartup pisinnaatitaaffinik erseqqissaateqarneq taamaallaat siunertarineqarpoq.

§ 33-mut

Imm. 1-imut.

Qinersisartut allakkatigut qinersiniartut nalinginnaasumik kommunini inuit aqqinik nalunaarsuiffiit ikiortussaavaat. Nunaqarfinni inuit aqqinik nalunaarsuiffinni isumaginnittut ikiortaat inuit aqqinik nalunaarsuiffittut isigineqassapput.

Imm. 2-mut aamma 6-imut

Qinersinermik siulersuisut qinersiviusumi ataatsimik arlalinnilluunniit qinersisinnaatitaasumik allakkatigut taasissutinik tigooraasinnaatitaasussamik toqqaassapput, imm. 2-5 malillugit. Taamaattoq kommunit aggornerisa avataanni allakkatigut taasissutinik inunnik Naalackersuisut taasissutinik tigooraasussatut piginnaatitsisussaapput, tak. imm. 6.

Inunnik taasissutinik tigooraasussatut piginnaatitsineq pisuni aalajangersimasuni qinersinermik siulersuisunit imaluunniit qinersisartunit saaffiginnittoqarneratigut pissaaq. Inuk qinersinermut qinigassanngortittoq allakkatigut taasissutinik tigooraasussatut toqqarneqarsinnaanngilaq. Inuit imm. 2-3 ilanngunneqartut pissutsit arlaqartut pissutigalugit ullormi qinersiffiusumi allakkatigut qinersinissaminik kissaateqarsinnaapput imaluunniit pisariaqartitsisinnaapput. Taamatut kissaateqarneq akuersaarneqartariaqarpoq qinersineq nalinginnaasoq akornusersornagu pisinnaappat. Taamaattoq piumasaqaataassaaq allakkatigut taasissut taasiffiusumi qinersisartup inuit aqqini nalunaarsuiffimmi ilanngunneqarfiani taaguineramik siulersuisumut anngunneqarsinnaanera.

Imm. 7-imut aamma 9-mut

Qinersisartut naalagaaffiup ilaani allani najugaqartut imaluunniit naalagaaffiup avataaniittut, Danmarkimi Savalimmiunilu oqartussaasut, piffinni taasiffiusuni atuuttuusuni imaluunniit Naalackersuisunit taasissutinik tigooraasussatut piginnaatitaasumut taasisinnaapput. Naalagaaffiup

avataani najugaqartut qinersisartut danskit aallartitaqarfiini konsulateqarfiiniluunniit taasisinnaapput.

Imm. 10-mut

Aalajangersagaq periarfissiivoq allakkatigut qinersineq ukiumi qinersiffiusumi 1. januar aallarnerfigalugu pisinnaanerani.

Aalajangersagaq attuumassuteqarpoq qinersinermik siulersuisut ukiumi qinersiviusussami kingusinnerpaamik 1. januar taasiartorfissat amerlassusissaat aalajangertussaammassuk aammalu qinersivimmi taasiartorfissanut ataasiakkaanut tamanut inunnik qinersisinnaatitaasunik taasiartorfissani pineqartuni taaguinermik siulersuisussanik toqqaasussaanerini, tak. § 10. Tamanna isumaqarpoq taasiartorfissani ataasiakkaani inummik ataatsimik allakkatigut taasisutunik tigooraasoqartartussaasoq isumannaatsumillu toqqorsimatitsisussamik akisussaasoqassasoq.

Imm. 11-mut

Aalajangersagaq nutaajuvoq. Siunnersuutigineqarpoq erseqqissaatigineqassasoq inuk qinigassanngortittoq tassunga peqatigitillugu allakkatigut taasinernik tiguisartuusinnaanngitsoq.

§ 34-mut

Allakkatigut taasinermi atortussat (ungaluliussaq/allakkat puuat, allakkat ilaliussat, allakkallu puua aamma pappiara taasivik) pisariaqartinneqartut Naalakkersuisut pissarsiarissavaat aamma taasineq taamaallaat atuuttuutinneqarsinnaavoq taasivissaq taanna, allakkat ilaliussat ungaluliussarlu atorneqarpata, taamaattorli Danmarkimiit Savalimmiuniillu qinersinerup taamaaqataanut allakkatigut taasinermut atortussat akuerisaasut akuerineqarput.

Qinersinermik siulersuisut pisussaapput taasiartorfinni tamani sukkulluunniit allakkatigut qinersinermi atortussanik peqartuaannarnissaannik.

Taamaattorli Nunatta avataani allakkatigut qinersinermi Indenrigsministeeriaqarfimmit Danmarkimi Savalimmiunilu folketingimut qinersinermi atorneqartussat suliarineqartut atorneqarsinnaapput.

§ 35-mut

Aalajangersagaq § 35-mik atuuttumik allannguuteqartilaarlugu ingerlatitseqqiineruvoq, aamma allakkatigut taasinermi tamakkiisumik periusissat aalajangersarneqarput.

Imm. 1-imut.

Allakkatigut taasinermi qinersisartut - allanik isigineqaratik - taasinissaannut periarfissaqartinneqassapput. Ineeqqamik taasiffiusussamik qinersinermi atorneqartartut assigisaanik pilersitsisoqartariaqanngilaq. Qinersisartoq allanit ajoqusersorneqarani taasivissap immersorneqarnerani allaffiusinnaasumik assigisaanilluunniit innersuunneqarsinnaappat naammagineqarsinnaavoq. Immersuinerneq allaffiusinnaasoq imaluunniit ini taasiffigineqartoq imatut inissisimassaaq, qinersisartoq allakkatigut taasisutunik il.il. tunniussitinnani qimagussinnaassanani.

Imm. 2-mut

Taasivissamik, puusaaq ungaluusartalimmik, allakkanik nassitsissummik, allakkallu puuanik tunniussisoqarnerata kinguinnguagut ingerlaannartumik qinersisartooq taasissaaq, allakkatigullu taasissummik tiguisisussap qulakkiissavaa taasinermi atortut tamarmik taasiffigineqartumit peerneqarsinnaassanngitsut.

Taasineq pissaaq qinersisartup pineqartup allanit isigineqarani pappiaramut taasivimmuut qinersivimmi qinersisartup qinersisussat allassimaffianniiffigisaani qinigassanngortittut imaluunniit partiit arlaata aqqata allanneratigut. Qinersisartooq pineqartooq tappiitsuuppat imaluunniit isigiarsuttuuppat qinnuteqartoqarneratigut qinersisartooq taasinermini pisariaqarneratut ikiorneqassaaq.

Pappiara taasivissaaq immersorneqareerpat qinersisartup pappiara taasivik allakkap puussartaanut ikissavaa, taamaalioreeruni qinersisartup allagaq malinnaatitaasoq peqatigitillugu immersussavaa taakkulu atsiussallugit allakkatigut taasinernek tigooraasoq isigitillugu.

Peqqissartarfinni, pinerluuteqarsimasunut inissiisarfinni imaluunniit inoqarfinni avinngarusimasuni taasineq inuit aqqinik nalunaarsuiffinni taasinerit assigalugit ingerlanneqassaaq, taamaattoq allakkat nassitsissutit atsiorneqassapput sumiiffiup pisortaa taassumaluunniit tullersortaa aammalu allakkatigut taasinernek tigooqqaasussatut qinersinernek siulersuisut toqqagaa isigitillugit.

Qulaani taaneqartut naapertorlugit allakkap nassitsissutit atsiorneqarnerani isiginnittut allakkatigut nassitsissutini uppernarsaasutut atsiorfissakkut atsiussapput.

§ 36-mut

Allakkatigut taasissummik tiguisisup – pingaartumik Kalaallit Nunaata avataani - siuumoorluni qinersiviususaaq imaluunniit kina taaguinernek siulersuisutut toqqagaasimanersoq ilisimasinnaanngilaa. Taamaattumik kommunimut pineqartumut nassitsisarnernek periuseq ingerlateqqinneqarpoq. Ukioq qinersiffiusoq 1. januar aallarnerfigalugu allakkatigut qinersisoqarsinnaaneq aallartissinnaasarmat, qinersineq naammassitinnagu allakkatigut taasiviup qinersiviusumut anngutinngitsoorsinnaanerata annikillisinneqarnissaanut qinersisartooq periarfissaqarpoq.

Allagartaq uppernarsaat immersorneqareerpat qinersisartup allakkap puusaa pappiaramik taasivimmik imalik allakkallu ilaliussat taakkununga nassitsinernek allakkat puuannut atugassamut ikissavai qaatiguuliussallugillu kommunalbestyrelsimut qinersisartup qinersisussat allassimaffiannut ilanngunneqarfigisimasaanut. Aammalu allakkat puuata nassiuussivissami immersugassiaq immersorneqassaaq erseqqissumik allallugit qinersisartup aqqi, inuua kommunimilu taaneqartumi najugaa. Kiisalu saavani immersugassiami krydsiliisoqassaaq nalunaarlugu qinersinernek sorlermut pappiara taasivik atornersoq. Tamatuma kingorna allakkap puua imaalu taasivigineqarsimasumut tunniunneqassapput.

Ungaluusaaq il.il. allakkerivik aqutigalugu nassiuunneqassappat qinersisartup nammineq akilissavaa. Ungaluusap ataatsip taamaallaat pappiara taasivik ataaseq allakkallu nassitsissutit ataatsit imarissavai. Ungaluusamik qinersisartumit tiguisisup akisussaaffigaa kommunalbestyrelsimut nassitsivissamut piaartumik nassiuunneqarnissaa.

Taasinermi atortussat nassiunneqartut kommunalbestyrelsimut allakkanit allanit erninnaq immikkoortissinnaajumallugit allakkat puuanni immikkut ittumi nassiussineq pissaaq, allakkat puussaat allat atorneqassanngillat.

§ 37-mut

Aalajangersagaq § 37-mik atuuttumik allannguuteqartitsilaarluni ingerlatitseqqiineruvoq.

Taasivimmi taaguineramik siulersuisup allakkatigut taasinerit puui tiguneqarsimasut qularnaatumik toqqorsimanissaat aammalu allakkatigut taasinerit inunnik allanit susassaqarfigineqanngitsunit tiguneqannginnissaat qulakkiissavaa.

§ 38-mut

Qinersisartog allakkatigut taasisimasog nammineerluni takkunnermigut taasisimasog taasisinnaatitaanngitsoq imaluunniit ulloq qinersivik nallertinnagu toqukkut qimagussimasog paasinarsippat, allagaq ilaliussaq allakkallu puua pappiaqqamik taasivimmik imalik ammarneqanngitsoq nassitsinermi allakkap puussaanut ikineqaaqqissaaq kisitsinermilu ilanngunneqanngitsoorluni. Aamma taamaappog nassitsinermit puussaq allamik imaluunniit allakkanik malinnaatitaasunik, allakkat puuinik ataasiinnaanngitsunik imaqarpat, imaluunniit nassitsinermit puussap, allakkat malinnaatitaasut allakkalluunniit puuata isikkuatigut isumaqarnarpat Naalackersuisut imaluunniit Danskitt allakkatigut qinersinermit atortussaatuut suliarineqarsimasuunngitsoq, imaluunniit immersorneqarnerat, uppersarlugit atsiomerat, nassiunneqarneralluunniit peqqussutigineqartut malillugit pisimasorinangippat.

Ungaluusat taasinerup naammassineqareerneratigut taaguineramik siulersuisunit tiguneqartut ammarneqaratik paarineqassapput ilanngunneqarsinnaanngitsutullu isigineqassallutik.

Qinersinermik kisitsinermi nassiussinermit allakkat puussaat allakkallu malinnaatitaasut taamatullu allakkat puui pappialallu taasivissat pigineqariissapput.

§ 39-mut

Aalajangersagaq § 39-mik atuuttumik allannguuteqartitsilaarluni ingerlatitseqqiineruvoq.

Taaguineramik siulersuisup taaguineq naammassereeruniuk najuuttut isigitillugit karsi taasivinnut nakkaatitsivik ammassavaa taasinerillu kisillugit uppersarsissallugulu taasinerit amerlassusaat qinersisussat allassimaffianni taasisimasutut allatorneqarsimasutut amerlatiginersut.

Qinersinermit tamanut taasinerit immikkut kisinneqassapput, kommunalbestyrelsimut qinersinermit taasinerit siulliullugit. Ilaqut sinniisaannut qinersinermit taasinerit kingulliullugit kisinneqassapput.

Kattusseqatigiillutik qinigassanngorteqatigiit qinerneqarsinnaanngillat. Kattusseqatigiit iluini kisimiillutik qinigassanngortittut ataasiakkaat taamaallaat qinerneqassapput.

§ 40-mut

Aalajangersagaq Kalaallit Nunaanni Inatsisartunut qinersisarneq pillugu Inatsisartut inatsisaanni § 38-mut naapertuuppoq. Aalajangersagaq atorneqassaaq tulluussaanerit pisariaqartut naapertorlugit taasissutissat qinersisartup qinigassanngortittup aqqa allallugu atorneqartariaqalerfiini, tak. § 27, imm. 2.

Aalajangersagaq imaqarpoq taasissutip kimut tunniunneqarnissaanut aalajangiinissami atorneqartussamik.

§ 41-mut

Aalajangersakkap Kalaallit Nunaanni Inatsisartunut qinersisarneq pillugu Inatsisartut inatsisaanni § 39-p assigivaa.

Aalajangersakkami taasinerup atorsinnaaneranut imaluunniit atorsinnaannginneranut nalilerneqarnissaanut aalajangersarneqarpoq.

Taasinerit atorsinnaatinnegarnissaannut nalilersuinerni Naalackersuisut aalajangersagaliorsinnaapput, ilaatigut assersuutigalugu taasissummiittussaannngitsumik allassimasoqarpat taasissutip atortussaajunnaarnissaanik kinguneqartumik. Qitiutinneqassaaq taasinerup qularnaateqanngitsumik kimut imaluunniit partiimut sorlermut tunniunneqarsimanerata aalajangiiffiqarsinnaanera.

§ 42-mut

Unnummi kisitsinermi periuseq maannamut atuuttoq allanngortinnagu ingerlateqqinneqarpoq. Taaguinermi siulersuisoq pisussaavoq unnummi qinersiviusumi kisitsineq ingerlatissallugu kingornagullu qinersinermik siulersuisunut inerneq inaarutaasoq nalunaarutigissallugu. Kisitsineq taamaallaat nerinermi unillatsiarnikkut, perusuersariarnikkut assigisaanillu peqquteqarnikkut unitsikkallarneqarsinnaavoq.

Aallaaviatigut unnuk qinersiffiusoq taasinerik kisitsinerup kingorna kisitseqqissaarneq ingerlanneqarneq ajorpoq.

§ 43-mut

Taaguinerik siulersuisup qinersinermik allattaavimmi allassavaa taasiartortarfimmi taasinerit inaarutaasut.

Pingaarteqarluinnarpoq taaguinerik siulersuisut qinersinermik allattaavimmik nalunaarsuinissaat. Qinersinermik allattaavimmi paasissutissat qinersinermik siulersuisut qinersinerup inaarutaasumik akuersissutiginnissaanut ilaatinneqassapput, tak. § 49.

§ 44-mut

Taasiartorfimmi qinersinerup inenera taaguinerik siulersuisup ingerlaannarluni qinersinermik siulersuisunut nalunaarutiginnissaa pisussaaffigiva. Taaguinerik siulersuisup nalunaarutaani ilanngunneqassapput qinersinermut atatillugu pissutsinik immikkut ittunik qinersinerup inerneranut sunniuteqarsinnaasunik atuuttoqarsimansoq. Pissutsit taamaattut taamattaq qinersinermik

allattaavimmut allanneqartussaapput. Assersuutigineqarsinnaapput inimi taasiartorfiup silatinnguani qineqqusaarutininik nivinngaasoqarsimasoq, qinersisussat allassimaffianni qinersisinnaatitaasoq ilanngunneqarsimanngitsoq imaluunniit inimi qinersivimmi imaluunniit ineeqqani taasiffiusumi allagarsiussat kukkuneqarsimanerininik.

Qinersinermik siulersuisut taasiartorfimmi/kommunimi qinersinerup tamakkerluni inernerana naatsorsussavaat. Qinersineq qinersinermik siulersuisunit ataasiakkaanit naatsorsorneqassaaq.

Qinersinermut Ataatsimiititaliaq naammagittaalliortarfiummat Qinersinermut Ataatsimiititaliaq § 44 naapertorlugu naatsorsuinermi peqataaqusaannaanngilaq.

§ 45-mut

Siunnersuutigineqarpoq nunap assingani ilanngunneqartumi erseqqissaatigineqassasoq aalajangersakkami aallaqqaataani kommunit sorliit innersuussutigineqarnersut. Aammattaaq siunnersuutigineqarpoq siunissami aallaqqaataani Ivittuut Kommuniusimasumi nunap immikkoortuani sinniisussamik qinersisoqartassanngitsoq. Aalajangersagaq § 45-mik atuuttumik allannguuteqartitsilaarluni ingerlatitseqqineruvoq.

Imm. 1-imut

Qinersinermik siulersuisut qinersivimmi qinersinerup tamakkerlugu inernerana naatsorsussavaat. Taamattaaq qinersinerup inernerani naatsorsorneqassaaq kommuniusimasuni ataasiakkaani tamani nunami sumiiffiup sinniisaatut ilaasortannortoqarnissaa, tak. imm. 4.

Ilaasortaaffiit agguarneqassapput d'Hondt-ip periaasaa malillugu. Taasinerit katinneri tamarmiusut partiimut, kattusseqatigiinnut aamma kisimiillutik qinigassanngortittut ataasiakkaat taasisaasa katinneri 1-imik, 2-mik, 3-mik kommunalbestyrelsimi ilaasortaasussat amerlassusaat tikillugu agguarneqassapput. Siulliulluni ilaasortanngussaaq partii, kattusseqatigiit imaluunniit kisimiilluni qinigassanngortittoq amerlanerpaamik taaguunneqarsimasoq, tulliulluni ilaasortanngussalluni partii, kattusseqatigiit imaluunniit kisimiilluni qinigassanngortittoq amerlanerpaamut tulliulluni taaguunneqarsimasoq, ilaasortaaffissat tamakkerlutik agguanneqarserlugit.

Kommuniusimasut maanna kommuniusuni ilaasut, inatsisip ilanngussartaani 1-imi aamma Kommunini suliaassarfiit aaqqissuuteqqinneqarnerat pillugu Inatsisartut inatsisaanni nr. 14, 19. november 2007-imeersumi § 1-imi allaqqapput.

Imm. 4-mut

Aalajangersagaq Kommunini suliaassarfiit aaqqissuuteqqinneqarnerat pillugu Inatsisartut inatsisaanni nr. 14, 19. november 2007-imeersumi § 4, imm. 2-mut naapertuuppoq. Erseqqissarneqarpoq qinigassanngortittoq nunami sumiiffiup sinniisaatut qinerneqartoq kommuniusimasumi aalajangersimasumik najugaqartussaasoq.

Siunnersuutip malitsigivaa Qaasuitsup Kommuniani nunami sumiiffiup sinniisai katillugit arfineq-pingasut qinerneqassasut. Qeqqata Kommuniani nunami sumiiffiup sinniisaat katillugit marluk qinerneqassapput. Kommuneqarfik Sermersuumi nunap immikkoortuani sinniisussat katillugit 4-t qinerneqassapput, tak. imm. 5. Kommuni Kujallermi nunap immikkoortuani sinniisussat katillugit 3-t qinerneqassapput.

Qinigassanngortittut kommunalbestyrelsimi nunami sumiiffiup sinniisaattut issialersut kommunalbestyrelsimi ilaasortat allat assigalugit piginnaassuseqartitaapput pisussaaffeqartitaallutillu. Aalajangersakkami siunertarineqarpoq sumiiffimmi kommunalbestyrelsimi sinniisuutitaqarnissap qulakkeerreqarnissaa. Aalajangersakkap qulakkeerpaa kommunalbestyrelsip kommunimi piffinni ataasiakkaani pissutsinik ilisimasaqarnissaa.

Naatsorsuinermi kommuniusimasumi inummut taaguunneqarsimaneq taamaallaat atorneqartussaavoq. Nunami sumiiffiup sinniisaattut ilaasortaaffiit inernerisa kisinneqarnerini inummut taaguinerit qinersiviusup iluani taasisutaasimasut taamaallaat ilaatinneqassapput akerlianillu kommuniusimasup avataani taaguinerit ilaatinneqassanatik. Piumasaqaataavortaaq qinigassanngortittoq kommuniusimasumi qinersisussat allassimaffiani nalunaaqqaarsimassasoq aalajangersimasumillu kommuniusimasumi najugaqassasoq. Tamatuma kingunerivaa qinersiviup iluani kommuniusimasumi qinigassanngortittoq aalajangersimasumik najugaqartoq kommuniusimasumi allami nunami sumiiffiup sinniisaattut qinerneqarsinnaanngitsaq.

Imm. 5-imut

Sumiiffinni sinniisussanik qinersisarnermik aqqissuussamut tunngaviusutut eqqarsaataasut tunngavilersinnaanngilaat, Ivittuut Kommuniusimasumi sinniisussamik sulii qinersisoqartarnissaa. Tamatumani tunngavilersuutigineqarpoq, inuit nalunaarsimaffianni paasissutissat malillugit sumiiffimmi qinersisinnaasunik najugaqartoqarunnaarsimasoq.

Tamanna tunngavigalugu siunnersuutigineqarpoq, sumiiffimmi sinniisussatut qinersisarnermik aqqissuussaq Ivittuut kommuniusimasumi atorneqarunnaassasoq.

Imm. 6-7-imut

Ilaasortaaffiit nunami sumiiffimmi sinniisuuffiit siulliullugit inuttalersorneqassapput. Ilaasortaaffiit sinneri partiimut imaluunniit kattuseqatigiinnut inuttaligassat qinigassanngortittut ataasiakkaat partiip iluani imaluunniit kattuseqatigiit iluini taaneqarsimaneq naapertorlugit agguanneqassapput.

Ilaasortaaffik siulleq pissarsiarineqassaaq amerlanerpaanit taaguunneqarsimasumit. Ilaasortaaffiup aappaa pissarsiarineqassalluni amerlanerpaanit taaguunneqarsimasumut tulluuttumit.

§ 46-mut

Qinersiviusumut tamarmiusumut partiinut ataasiakkaanut kattuseqatigiinnullu ataasiakkaanut nalinginnaasumik sinniisussat nalunaarsorsimaffiannik suliaqartoqassaaq. Nalinginnaasumik sinniisussat nalunaarsorsimaffianni qinigassanngortittut tamaasa, qinigaanngitsulli, ilanngullugit.

Taamattaq kommuniusimasunut ataasiakkaanut sinniisussat nalunaarsorsimaffiannik partiinut ataasiakkaanut kattuseqatigiinnullu ataasiakkaanut suliaqartoqassaaq, tak. § 45, imm. 4. Nalunaarsuiffik taanna taaguuserneqassaaq nunami sumiiffimmi sinniisuuffiit sinniisaasa nalunaarsorneqarfiat. Nalunaarsorneqarfiimmi ilanngunneqassapput qinigassanngortittut kommuniusimasuni ataasiakkaani qinersisussat allassimaffianni aalajangersimasumik najugallit nalunaarneqarsimasut, qinigaanngitsulli.

Qinigassanngortittut kommunalbestyrelsimut qinigaanngitsut sinniisussat nalunaarsorsimaffiini taakkuusuni marlunni ilanngunneqassapput. Kommunalbestyrelsimut qinersinermi

qinigassannngortittut namminneq inuttut sinniisussaqaartinneqarneq ajorput. Taamaattumik kisimiillutik qinigassannngortittunut, kattusseqatigiillutik qinigassannngortittut avataanni qinigassannngortissimasunut, sinniisussat nalunaarsorsimaffiunik suliaqartoqarsinnaanngilaq.

Nunami sumiiffimmi sinniisut sinniisaasa nalunaarsorneqarfiat atorneqassaaq kommunalbestyrelsimi nunami sumiiffimmi sinniisutut ilaasortatut qinerneqartoq kommunalbestyrelsimit tunuarallarpad imaluunniit ataavartumik tunuarpat. Sinniisussat nalunaarsorneqarfiani siullersaalluni inissisimasup – partiip nalunaarsorneqarfiani imaluunniit kattusseqatigiit nalunaarsorneqarfiani – ilaasortaaffik inuttaaruttoq ilaasortaaffigilissavaa.

Naak ilaasortaqaq tunuartaqq tunuarnermi nalaa tikillugu politikikkut sorlernut ilaanera allannngorsimagaluarpad, ilaasortaaffik inueruttoq inuttalerneqassaaq partiimut imaluunniit kattusseqatigiinnut ilaasortapq tunuartaq aallaqqaammud qinerneqarfigisimasaanud. Kisimiilluni qinigassannngortilluni kommunalbestyrelsimud ilaasortaasoq tunuarpat, naammaasiilluni qinersinernud aalajangersakkat siunnersuutip § 58 aamma § 59-imi atuuttud malinneqassappud.

§ 47-mud

Qinersinermik siulersuisud qinersinermud allattaaviat, taasiartorfiit ataasiakkaat qinersinermud allattaavii ilanngullugit, kommunalbestyrelsimud ilaasortannngortutud qinigaasutud isigineqartunud kingusinnerusukkud uppersaataassussappud. Qinersinermud allattaaviit qinigaaffiup atuuffiani isumannaatsumik toqqorneqassappud.

Ersarissumik allassimassaaq ilaasortat kikkud nunami sumiiffiup sinniisaatud qinerneqartutud isigineqarnerud sumilu kommuniisimasumi qinigaanersud, tak. § 45, imm. 4.

§§ 48-49-mud

Aalajangersakkat §§ 48 - 49 atuuttunik allannguuteqartitsilaarluni ingerlateqqitaappud.

Aalajangersakkat aalajangersarpaat qinersinerup naammassineqarneranud periutsit qinersivimmilu tamarmiusumud naatsorsuinermud periuseq. Qinersinermik siulersuisud taasiviit, qinersisussat allassimaffii aamma qinersinermud allattaaviit taasiartorfinnit tamaneersud tigussavaat, taakkualu toqqammavigalugit qinersinerup atorsinnaassusianik aalajangiissallutik.

Qinigassannngortittud qinigaasutud isigineqartud ataatsimiinnermud peqataanissaannik kajumissaarneqassappud taamaalillunilu qinersinermik siulersuisud periarfissaqassappud ajornartorsiutaasinnaasunik qinigassannngortittunud apeqquteqarnikkud aaqqiissuteqarsinnaanermik.

§ 50-imud

Aalajangersagaq § 50-imik atuuttumik allannguuteqartitsilaarluni ingerlatitseqqiineruvoq.

Qinersinermi annertuumik kukkunertud isigineqarsinnaappud taasinerik kisitsinermi aamma naatsorsuinermi inatsimmi aalajangersakkat saneqqullugit ingerlatsisoqarsimappat, assersuutigalugu kisitsinerit marluk aalajangersaavigineqartumit ikinnerusumik imaluunniit amerlanerusunik ingerlanneqarsimappata, tak. siunnersuummi § 42. Qinersineq taamattaaq atorsinnaanngitsutud

nalunaarutigineqarsinnaavoq paasineqarpat qinigassanngortittut ilaat ataaseq amerlanerusulluunniit qinigassanngortissinnaanermut piumasaqaatinik naammassinissimangitsut imaluunniit qinersisinnaasut allassimaffii annertunerusumik kukkuneqarsimappata.

§ 51-imut

Aalajangersagaq § 51-imik atuuttumik allannguuteqartitsilaarluni ingerlatitseqqiineruvoq.

Qinerseqqinneq qinersinermut siullermut kukkusoqarsimanermut naqqiinertut isigineqartussaavoq. Qinerseqqinnermi taamaallaat peqataasinnaapput ullormi qinersiffiusimasumi nalinginnaasumi inuit qinersisinnaatitaasimasut. Qinerseqqinneq qinersisussat allassiffianni kukkusoqarsimaneranik peqquteqarpat Qinersinermut Ataatsimiititaliap qinersinermik siulersuisut peqqusinnaavai qinerseqqinnissap siornagut qinersisussat allassimaffiannik naqqiissuteqarsimassasoq.

Qinerseqqinneq piareersarneqassaaq naammassineqarlunilu qinersinermi nalinginnaasumi aalajangersakkat naapertorlugit.

§§ 52-53-imut

Qinersinermik siulersuisut kommunalbestyrelsimi ilaasortanngorlaat qinigaanerannik allaffigalugit nalunaarfigissavai.

Aalajangersakkatigut qulakkeerneqassaaq kommunalbestyrelsip nutaap atuutilerana ilutigalugu kommunalbestyrelsiusimasup atorunnaarnissaa, tassa kommunalbestyrelseqarani ingerlasoqannginniassammat. Ulluinnarni suliasat akornusersorneqanngitsumik ingerlanneqarsinnaanerat qulakkeerniarlugu borgmesteriusoq atuutissaaq borgmesterimik nutaamik qinigaasoqarnissaa tikillugu.

§ 54-imut

Aalajangersagaq § 54-imik atuuttumik allannguuteqartitsilaarluni ingerlatitseqqiineruvoq.

Imm. 1-3-mut

Inuit kommunalbestyrelsimut qinigaasut pinngitsooratik atorfik innuttaasutut naammassisassatut isumagisussaavaat. Kommunalbestyrelsitut ilaasortatut atorfik inuiaqatigiinnik sullissineruvoq.

Kommunalbestyrelsi tassaavoq qinersisarnernut inatsit naapertorlugu kommunalbestyrelsimut ilaasortap kommunalbestyrelsimut tunuarsinnaaneranut aalajangiisussaq. Tamanna pissaq suliami aalajangersimasumi nalilersuinikkut aamma ilaasortaq tunuarnissamut akuerineqarnissamik pisinnaatitaaffeqanngilaq.

Kommunalbestyrelsimut ilaasortap kommunalbestyrelsimut tunuarsinnaaneranik naliliinermi pingaartillugu isiginiarneqarsinnaavoq, ilaasortap kommunalbestyrelsimi ilaasortaaffik illersorneqarsinnaasumik atuuffigisinnaaneraa peqqinnissaq aamma atugarissaarneq navianartorsiortinnagit.

Aamma inuttut pissutaasut, assersuutigalugu avinneq, aapparip inooqatigisalluunniit napparsimaneq imaluunniit ilaqtut qanigisani toqusoqarnera ilaasortap kommunalbestyrelsimut tunuarsinnaaneranik nalunaaruteqarnermut tunngaviusinnaapput.

Imm. 4-mut

Kommunalbestyrelsimi ilaasortap qinersivimmi najukkani qimattariaqassappagu pineqartup qinigaasinnaassutsini tunngaviatigut annaassavaa kommunalbestyrelsimiillu tunuartariaqarluni.

Kommunalbestyrelsili aalajangersinnaavoq ilaasortap qinigaasinnaanini annaassanngikkaa ilaasortarluni tunuarallassasoq pineqartup qinersivimmi aalajangersimasumik najukkamini najugaqaqqilernissaata tungaanut. Suliani pisuni ataasiakkaani kommunalbestyrelsi naliliisassaaq ilaasortap tunuarallarsinnaanera eqqarsaatigalugu.

§ 55-imut

Ilaasortaq nunami sumiiffiup sinniisaatut qinerneqartoq qinersiviup iluani nunami sumiiffiup sinniisaatut qinerneqarfigisami avataanut nuuppat, assersuutigalugu kommuniusimasumut allamut, pineqartup qinigaasinnaanini annaasinnaanngilaa.

§ 56-imut

Kommunalbestyrelsimut ilaasortaq, assersuutigalugu Kanukokamut piffissaq tamaat siulittaasussatut toqqarneqartoq kommunalbestyrelsimut tunuarallassaaq. Atorfik atorunnaarpat ilaasortaq pineqartoq kommunalbestyrelsimut ilaasortanngoqqissaaq. Ilaasortalli sulii qinigaasinnaassutsimut piumasaqaataasut nalinginnaasut naammassisimasariaqarpai, ilaatigut qinersivimmi aalajangersimasumik najugaqartussaataitanermik piumasaqaatit imaluunniit aamma kommuniusimasumi piumasaqaatit assigisai (nunami sumiiffiup sinniisaatut).

§ 57-imut

Imm. 1-imut.

Kommunalbestyrelsimut qinersinermi qinigassanngortittut namminneq inuttut sinniisussaqartinneqarneq ajorput. Taamaattumik kisimiilluni qinigassanngortittoq, kattusseqateqarluni qinigassanngortissimanngitsoq, sinniisussaqanngilaq. Taamaalilluni naammaasiilluni qinersineqartussanngussaaq.

Imm. 2-mut

Qinigassanngortittoq partii sinnerlugu imaluunniit kattusseqateqarluni kommunalbestyrelsimut ilaasortanngortoq kommunalbestyrelsimut tunuarpat, ilaasortaaffik inuttaaruttoq partiimit imaluunniit kattusseqatigiinnit ilaasortap tunulequtaralugu qinigaaffiata pissarsiarissavaa. Tamatuma kingorna ilaasortaaffik partiimi imaluunniit kattusseqatigiinni sinniisussatut nalunaarsuiffimmi siulliulluni inissisimasup ilaasortaaffik inuttaaruttoq pissarsiarissavaa.

Kisimiilluni qinigassanngortilluni kommunalbestyrelsimut ilaasortaasooq tunuarpat, naammaasiilluni qinersisoqassaaq.

Imm. 3-5-imut

Aalajangersakkat aalajangersarpaat ilaasortaaffiup inuttaarunnerani naammaasiilluni qinersinissami apeqquut. Naalakkersuisut naammaasiilluni qinersinissaaq pillugu maleruagassanik ilaatigut aamma naammaasiilluni qinersinermi ilaasortanngortut sinniisussaat pillugit maleruagassanik aalajangersaasinnaapput.

§ 58-imut

Naammaasiilluni qinersinissap taamaatinneqarnissaanut periarfissaq atuutiinneqarpoq. Kommunalbestyrelsimi aallaqqaammut ilaasortaasut amerlanerussuteqarnerinut ima isumaqarpoq, taamaatitsinermut taasinerit amerlassusaat kommunalbestyrelsi tamarmiusoq amerlanerussuteqarmat amerlaqatigissagaat.

Aalajangersagaq atorneqarsinnaavoq assersuutigalugu kommunalbestyrelsinut nutaanut qinersinissaq qanillismappat aammalu ilaasortaaffiup inuttaaruttup kommunalbestyrelsimi politikikkut eqimattat assigiinngitsut akornanni oqimaaqatigiinneq nikisinneqanngippat.

§ 59-imut

Aalajangersagaq § 59-imik atuuttumik allannguuteqartitsilaarluni ingerlatitseqqiineruvoq.

Politiit nammineerlutik misissuissapput Qinigaasinnaassuserlu pillugu Ataatsimiititaliamut nalunaaruteqarlutik, kommunalbestyrelsimi ilaasortat imaluunniit sinniisussat qinersinerup nalaani kingornatigulluunniit pineqaatissinneqarsimappata.

Kalaallit Nunaata Eqqartuussisuuneqarfiani eqqartuussisuuneq ataatsimiititaliamut siulittaasuusussaavoq tamatumuunakkut naqissuserniarlugu ataatsimiititaliap arlaannaannulluunniit atassuteqannginnera. Ataatsimiititaliap katitersimanerata siunertaraa kommunalbestyrelsinut ilaasortat, nunaqarfinni aqutsisunut ataatsimoorussanut ilaasortat aamma ilagiit sinniisaanni ilaasortat qinigaasinnaassusaasa misilinneqarnerini tunngaviusuni assigiiaarnerpaamik suleriaaseqarnissaq.

Qinigaasinnaassuseq pillugu Ataatsimiititaliami ilaasortat sinneri tunngaviatigut ukiuni sisamani atuuttussanngorlugit qinerneqartarput.

Kommunit Qinigaasinnaanermut Ataatsimiititaliamut ilaasortat marluk toqqassavaat, Inatsisartullu ilaasortat marluk toqqassallugit. Kommuninit Inatsisartuniillu ilaasortanik nutaanik toqqaasoqarsinnaavoq soorlu ass. Inatsisartunut nutaamik qinersisoqarneranut atatillugu.

Qinigaasinnaassuseq pillugu Ataatsimiititaliaq qinerneqarfiup nalaani tamatumalu kingorna kommunalbestyrelsimi ilaasortat imaluunniit sinniisussat pineqaatissinneqarsimappata qinigaasinnaassusaannik annaasaqarsimasinnaaneramik suliaqartussaavoq. Sinniisussaq ilaasortanngortussaaitillugu, utaqqiisaagallartumik imaluunniit ataavartumik, Qinigaasinnaassuseq pillugu Ataatsimiititaliami nukinginnartumik suliarineqarnissaa pisariaarutissaaq.

Imm. 2-mut

Qinigaasinnaanermut Ataatsimiititaliap pinerluuteqarsimanikkut pineqaatissinneqarsimaneq pillugu naliliinera qinigaasinnaassutsimik annaasaqarnermik kinguneqassanersoq iliuuserisimasap qanoq ittuuneramik naliliineq tunngavigalugu suliarineqassaaq. Qinigaasinnaassuseq pillugu ataatsimiititaliap naliliinerata inerneranut pinerluuteqarsimanikkut pineqaatissiinerup suussusaa aamma annertussusaa immiini aalajangiisuunngilaq. Qinigaasinnaassutsip annaaneqarsinnaaneramik naliliinermut tunngatillugu iliuuserisaaq eqqartuussisutaasoq inuup kommunalbestyrelsimut, nunaqarfimmi aqutsisunut aamma ilagiit sinniisaannut ilaasortaanissaminut naleqqukkunnaarsimasutut isigineqarsinnaaneramik naliliineruvoq.

Qinigaasut qinigaasinnaassusaasa Qinigaasinnaassuseq pillugu Ataatsimiititaliami misilinneqarnerisa misilittakkat malillugit ukiumi qinersiffiusumi 30. april qaangersinnaasarpaat. Qinigaasinnaassuseq pillugu Ataatsimiititaliap aalajangiinissaata tungaanut ilaasortanngortut nutaat qinigaasinnaasutut isigineqassapput.

Imm. 5-imut

Aalajangersakkap qulakkiissavaa, Qinigaasinnaanermut Ataatsimiititaliap kommunalbestyrelsimut, nunaqarfimmi aqutsisunut aamma ilagiit sinniisaannut ilaasortat eqqartuussivitsigut pineqaatissinneqarnerannut tunngatillugu ingerlaavartumik paasitinneqartarnissaa, eqqartuussivitsigut pineqaatissinernut paasissutissat nutaat tunngavigalugit qinigaasinnaassutsip naliliiffiqeqqinneqarnissaa siunertaralugu.

Imm. 6-imut

Kommunalbestyrelsimut ilaasortanut qinigaasunut tamarmiusunut Qinigaasinnaassuseq pillugu Ataatsimiititaliap allattoqarfia pinerluttulerinermik nalunaarsuiffimmit aalajangiinerup allattorsimaffiata assinganik piniassaaq. Kommunalbestyrelsimut ilaasortaq pillugu pinerluttulerinermik nalunaarsuiffimmut nalunaarsimasoqarpat Qinigaasinnaassuseq pillugu Ataatsimiititaliamut saqqummiunneqassaaq ilaasortap qinigaasinnaassutsimik annaasaqarnissaa naliligassanngorlugu.

Qinigaasinnaassuseq pillugu Ataatsimiititaliap aalajangiinera allaffissornikkut oqartussaaffeqartunut allanut suliaassanngorteqqinneqarsinnaanngilaq. Ajornaquteqanngilaq Qinigaasinnaassuseq pillugu Ataatsimiititaliap aalajangiinera eqqartuussivinnut suliaassanngortinneqarsinnaanera. Eqqartuussivinni inatsisitigut soqutiginninneq pisariaqartoq pigineqarnerisooq eqqartuussivinnit aalajangerneqassaaq eqqartuussisutigoortitsinermi suleriaatsini maleruagassat periutsillu napertorlugit.

§ 60-imut

Nunaqarfimmi aqutsisunut ataatsimoorussanut nunaqarfimmi sorlarni qinersisoqassanersooq ilaasortallu taakkunani amerlassusissaannik kommunalbestyrelsi aalajangiisussaavoq. Nunaqarfimmi aqutsisunut ataatsimoorussanut qinersinermi nunaqarfiiit ataatsimoorussamik aqutsisoqartussaasuni qinersiviusaaq ataaseq. Tamassuma ilaatigut kinguneraa nunaqarfimmi qinersisartoq ataatsimoorussamik nunaqarfimmi aqutsisoqarfiusup iluani qinigassanngortittumik nunaqarfimmi allami najugaqartumik qinersisinnaanera.

Aalajangersakkap qinersinermik siulersuisut periarfissippaat ataatsimoorussamik nunaqarfinnut aqutsisunik qinersineq aprilimi kommunalbestyrelsinut qinersinermi ullormi allami ingerlanneqarsinnaaneranik. Taamaattoq nunaqarfinnut aqutsisunut qinigaaffimmik atuuffik ukiuni sisamaaginnarpoq ukiumi qinersiffiusumi maajip aallaqqaataa aallarnerfigalugu, tak. § 63.

Qinersinermi siulersuisut qulakkiissavaat, piffissaq eqqorlugu qinersineq naammassineqassasoq ukiumi qinersiffiusumi 1. maj nallertinnagu qinersinerup inernera inaarutaasumik naatsorsorneqarsinnaaqullugu.

§ 61-imut

§ 1-imut aamma § 2-mut oqaaseqaatit innersuussutigineqarput.

§ 62-imut

§ 1-imut oqaaseqaatinut innersuussisoqarpoq.

Inuit § 1 naapertorlugu qinersisinnaatitaasut qinigaasinnaatitaanngillat qinersivimmuut (nunaqarfimmuut) aalajangersimasumik kingusinnerpaamik ullut 14-it qinersinissaq sioqqullugu najugaqalersimannippata.

§ 63-imut

Qinigaaffik ukiuni sisamani atuuttussaavoq ukiumi qinersiviusumi maajip aallaqqaataaniit aallarnerfigalugu. Qinersinermik siulersuisut aalajangiinnaapput ataatsimoorussamik nunaqarfinni aqutsisunut qinersineq kommunalbestyrelsinut ullormi qinersinermi allami ingerlanneqartussaananeramik. Ataatsimoorussamik nunaqarfinni aqutsisunut qinigaaffiup atuuffianut sunniuteqassanngilaq.

§ 64-imut

Kommunimi qinersinermik siulersuisut ataatsimoorussamik nunaqarfinni aqutsisunut qinersineq aqussavaat, piareersarlugu naammassillugulu kommunalbestyrelsimut qinersinermi aalajangersakkat assigisaat atornerisigut. Siunnersuutip §§ 8 - 13 pillugu oqaaseqaatitai innersuussutigineqarput.

§ 65-imut

Ataatsimoorussamik nunaqarfinni aqutsisunut qinersinermut qinigassanngortittut aamma kommunalbestyrelsinut qinersinermut qinigassanngortissinnaapput. Qinigassanngortitoqarsinnaavoq partii tunuliaqutaralugu, kattusseqatigiinnikkut imaluunniit kisimiillutik qinigassanngortinnikkut. Aammattaaq siunnersuutip §§ 14 - 21 pillugu oqaaseqaatitai innersuussutigineqarput.

§ 66-imut

Aalajangersagaq § 66-imik atuuttumik allannguuteqartitsilaarluni ingerlatitseqqiineruvoq.

Imm. 1-imut.

Kommunalbestyrelsinut qinersisarnerit assigalugit pappiaranik taasivissanik pisariaqartunik amerlassusilinnik qinersinermik siulersuisut naqiterititsinissamik agguaassinissamillu akisussaasuupput. Taasivissanik krydsiligassanik atuinissamut piunasaqaateqartoqanngilaq. Qinersinermik siulersuisut naliliissapput taasivissanik krydsiligassanik imaluunniit taasissutissanik qinersisartup qinikkami aqqa allallugu taasissutit atorneqassanersut.

Imm. 2-mut

Nunaqarfinni aqutsisunut ataatsimoorussanut qinersineq kommunalbestyrelsinut qinersinermi inimi atorneqartumi taasiartorfimmi, qinersinermik siulersuisut aalajangerneratigut

ingerlanneqarsinnaavoq. Qulakkeerneqassaaq qinersinerit assigiinngitsut immikkoortitersimatinneqarnissaat. Kommunalbestyrelsinut qinersinermi aamma nunaqarfinni aqutsisunut ataatsimoorussanut qinersinermi taasissummik ataatsikkut tunniussisoqassanngilaq.

Imm. 3-5-mut

Kommunalbestyrelsimut qinersineq assigalugu qinersinermik siulersuisut ininik qinersiffiusussanik innersuussisussaapput. Taaguinermik siulersuisoq ineeqqanik taaguiffiusunik aamma taasinerit karseqarnissaq akisussaaffigaa.

Nunaqarfinnut aqutsisunut ataatsimoorussanik qinersisoqarpat peqatigitillugulu kommunalbestyrelsinut qinersisoqarpat nunaqarfinnut aqutsisunut ataatsimoorussanik qinersineq immikkut taasinerit karseqartinneqassaaq. Nunaqarfinnut aqutsisunut ataatsimoorussanik qinersineq kommunalbestyrelsimut qinersisarnerni maleruagassat assigalugit ingerlanneqassaaq.

Aammattaaq oqaaseqaatini siunnersuummi §§ 27 - 38 pillugu oqaaseqaatigisat innersuussutigineqarput.

§ 67-imut

Aalajangersagaq § 67-imik atuuttumik allannguuteqartitsilaarluni ingerlatitseqqiineruvoq.

Qinersinerup inerneranik naatsorsuineq kommunalbestyrelsimut qinersisarnerni malittarisassat assigalugit ingerlanneqassaaq. Taamaattoq nunami sumiiffiup sinniisaannik qinersisoqassanngilaq.

Aammattaaq siunnersuummi §§ 39 - 50-mut oqaaseqaatit innersuussutigineqarput.

Aalajangersagaq ilaatigut siunnersuutip §§ 54 – 58 ilaasortat qinersiviup nalaani tunuartarneri pillugit innersuussivoq. Innersuussinerup ilaatigut kingunerivaa ataatsimoorussani nunaqarfinni aqutsisut naammaatissaannik qinersisoqartariaqannginneranik aalajangiisinnaammata, tak. siunnersuutip § 58-ia.

§ 68-imut

§ 1-ip aamma § 2-p oqaaseqaataanut innersuussisoqarpoq. Siunnersuummi Kalaallit Nunaanni ilageeqarneq pillugu taaguut pisortatigoortoq atorneqarpoq. Taamaalillugu § 1-imut Ilageeqarneq pillugu Inatsisartut inatsisaat nr. 9, 19. maj 2010-meersumut innersuussisoqarpoq.

Aammattaaq siunnersuutip §§ 1 - 2 kiisalu §§ 22 - 26 pillugu oqaaseqaatitai innersuussutigineqarput.

§ 69-imut

Imm. 1-imut.

§ 1-imut oqaaseqaatinut innersuussisoqarpoq.

Imm. 3-mut

Inuk Ilageeqarneq pillugu Inatsisartut inatsisaat naapertorlugu ilagiit sinniisaanni pinngitsoorani ilaasortaasussaasoq ilagiit sinniisaannut qinerneqarsinnaanngilaq. Ilagiit sinniisaanni qinigaasimasoq piffissami qinersiviusumi assersuutigalugu ajoqitut ivertinneqarsinnaavoq. Matuma kingorna ajoqi ilagiit sinniisaannut atorfini naapertorlugu ilaasortanngussaaq, ilaasortaaffik inuttaaruttoq sinniisussat allassimaffianni allassimasumit siullermit inuttalerneqassaaq, imaluunniit sinniisussaqarsimatinnagu inuk ilagiit sinniisaanni ilaasortatut qinerneqarluni sinneruttumut tunniunneqassaaq.

Sinniisussat allattorsimaffiannit nuunneq ilagiit sinniisaanit ilaasortat qinikkat qruppiannit (qinigaanikkut pisussaataaffiup annaaneqarnera) ilaasortap ilaasortaajunnaarnera ingerlaannartumik pissaq, ilaasortaq ajoqitut palasitulluunniit piffimmi atorfinitsinneqarpat, aamma ilagiit sinniisaanni taasinissaq piumasaqaataanngilaq.

§ 70-imut

Ilagiit sinniisaannut qinersinermi qinersiviusoq tassaavoq piffik oqaluffiup eqqaaniittoq imaluunniit atuarfik oqaluffiutigisoq tamanna sioqqullugu biskoppimik tusarniaanerup kingorna ilagiit sinniisaannik qinersiffiusussaq.

Naalakkersuisut aalajangiissapput sumi ilagiit sinniisaannut qinersisoqassanersoq aammalu ilaasortat amerlassusissaannik.

§ 71-imut

Aalajangersagaq § 7-imut kommunalbestyrelsimut ilaasortanik qinersinermut aamma § 63 nunaqarfinni aqutsisunut ataatsimoorussanut ilaasortanut qinersinermut naapertuuppoq aamma siunnersuummi § 7-imut aamma § 63-imut oqaaseqaatit innersuussutigineqarput. Ilagiit sinniisaannut ilaasortaaneq qinikkatut inuiaqatigiinnik sullissinerunngilaq.

§ 72-imut

Aalajangersagaq § 8-mut kommunalbestyrelsimut ilaasortanik qinersinermut aamma § 64 nunaqarfinni aqutsisunut ataatsimoorussanut ilaasortanut qinersinermut naapertuuppoq, aamma siunnersuutip § 8-nut aamma § 64-inut oqaaseqaatit innersuussutigineqarput.

§ 73-imut

Aalajangersagaq § 73-imik atuuttumik allannguuteqartitsilaarluni ingerlatitseqqiineruvoq.

Immikkut ilagiinnik ataatsimiititsisoqassaaq ataatsimiinneq qinigassanngortitsineruutigaluni paasissutissiiffiusaaq. Ataatsimiinneq taanna aamma taasinertaqanngitsumik qinersinermik taaneqartarpoq. Ataatsimiinnissap sapinngisamik amerlasuunit tusarneqarnissaa qulakkeerniarlugu, ataatsimiinnissaq pillugu nalunaarut tassunga ilanngullugu ataatsimiinneq qaqugu aamma sumi pissanersoq naalagiarnerni arlaleriarluni kiisalu allagarsiinikkut nalunaarutigineqassaaq.

Ataatsimiinnermi paasiniarneqassaaq ilagiit sinniisaannut qinigassanngortittussat amerlassusaat pisariaqartut isumaqatigiissutigineqarsinnaanersoq. Taamattaq paasiniarneqassaaq inunnik

qinigaassanngortinngikkaluarlutik sinniisussatut inissikkusuttoqarsinnaanersoq, tak. siunnersuummi § 77, imm. 3.

§ 74-imut

Imm. 2-mut

Qinigaasinnaassuseq pillugu Ataatsimiititaliap Pinerlussimasut nalunaarsuiffianni paasissutissanik piniarnissaa qinigaassanngortittunit akuersissutigineqassaaq. Inunnut tamanut ilagiit sinniisaannut qinigaasunut paasissutissat pissarsiarineqassapput aamma paasissutissat Qinigaasinnaanermut Ataatsimiititaliami suliarineqarnissaannut tunngavissiissapput. Qinigaasinnaassuseq pillugu Ataatsimiititaliaq ilaasortat qinigaasinnaanerisa annaaneqarsinnaanerininik apeqqutini tamani taamaallaat aalajangiisinnaatitaavoq, tak. 59, imm. 2.

§ 15, imm. 3-mi aamma § 16 imm. 3-mi pisut assigalugit § 59-imi imm. 5-imut innersuussineq ilanngunneqarpoq taamaasilluni Qinigaasinnaanermut Ataatsimiititaliap ingerlaavartumik pinerluuteqarnikkut pineqaatissiinermik eqqartuussuteqartoqarneranut tunngatillugu paasitinneqartarnissaa ilagiit sinniisaannut qinigaassanngortittunit akuersissutigineqassaaq.

Imm. 3-6-imut

Qinigaassanngortittut tamarmik qinigaassanngortinnermi nalunaarummik tunniussissapput qinigaassanngortitsisumik pisariaqartunik amerlassusilimmik imaqartumik naak immikkut ilagiit ataatsimiinnerani pineqartoq siunersuutigineqaraluarpuunniit imaluunniit pineqartoq nammineerluni qinigaassanngortippat. Qinigaassanngortittut tamarmik minnerpaamik tallimanik qinigaassanngortitsisoqassapput.

Qinersinermik siulersuisut qinersinermut allattaavimmi allassavaat kikkut qinigaasutut isigineqarnersut, ilagiillu sinniisaannut qinigaasut allakkatigut nalunaarfigineqassallutik.

Imm. 7-imut

Piffissatut killiliussap naanerani qinigaassanngortittut ikinneruppata, tamanna tunniunneqassaaq qinigaassanngortittumut qinigaassanngortittunulluunniit akuerisaasunut qinigaassanngortittut amigaataasut toqqaqqullugit. Tamanna pissaaq ilagiit sinniisai ingerlalluarsinnaasut qularnaarniarlugit. Qinersinermi § 77, imm. 3-mi periuseq malinneqassaaq.

§ 75-imut

Kommunalbestyrelsinut qinersisarnerit assigalugit pappiaranik taasivissanik pisariaqartunik amerlassusilinnik qinersinermik siulersuisut naqiterititsinissamik agguaassinissamillu akisussaasuupput. Taasivissanik krydsiligassanik atuinissamut piumasaqaateqartoqanngilaq. Qinersinermik siulersuisut naliliissapput taasivissanik krydsiligassanik imaluunniit taasissutissanik qinersisartup qinikkami aqqa allallugu taasissutit atorneqassanersut.

Ilagiit sinniisaannut qinersinermi kommunalbestyrelsimut qinersinermi aalajangersakkat aamma atuupput.

Aammattaaq oqaaseqaatini siunnersuummi §§ 27 - 38 pillugu oqaaseqaatigisat innersuussutigineqarput.

§ 76-imut

Ilagiit sinniisaannut qinersinermi qinigassanngortittut taamaallaat kisimiillutik qinigassanngortittutut qinigassanngortissinnaapput. Partiitut imaluunniit kattusseqatigiinnikkut qinigassanngortitsisoqarsinnaanngilaq.

Taasiartorfinni aataasiakkaani qinigassanngortittut ataasiakkaanut taasinerit katillugit kisinneqassapput.

Qinersinerup naatsorsorneqarnera unnummi qinersivimmi ingerlanneqassaaq. Kommunalbestyrelsimut qinersinermi taaguinerneq naatsorsuineq pillugu malittarisassat aamma ilagiit sinniisaannut qinersinermi malinneqassapput, aamma siunnersuummi §§ 39, 41 – 44 aamma 47 – 52-imut oqaaseqaatit innersuussutigineqarput.

§ 77-imut

Qinersinermik siulersuisut sinniisussat nalunaarsorsimaffiannik suliaqassaaq, ilagiit sinniisaanni ilaasortaq tunuarpat, nammineersinnaajunnaarsinneqarpat imaluunniit toqukkut qimaguppat atorineqartussamik.

Sinniisussap ilaasortaaffik inuttaaruttoq pissarsiarippagu, aammattaaq ilaasortamik nutaamik toqqaasoqartillugu pineqartup ilagiit sinniisaannut qinigaasinnaanermut piunasaqaatit naammassisimassavai.

Nutaamik ilaasortanngortumik nalunaarutiginninneq pissaaq qinigaasinnaassutsip misilinneqarnissaanut paasissutissanik pissarsiniarnissamut pappiaqqap akuersiffiusup atsiorteratigut. Immersugassiaq Qinigaasinnaassuseq pillugu Ataatsimiititaliap Allattoqarfianut nassiuinneqassaaq suleriaatsimi periutsit nalinginnaasut atorlugit, imaappoq palasi, provsti aamma biskoppi atuagarsuarnik isumaginnittartoq aqqutigalugu.

§ 78-imut

Kommunalbestyrelsinut, nunaqarfinni aqutsisunut ataatsimoorussanut aamma ilagiit sinniisaannut qinersinerneq Qinersinermut Ataatsimiititaliap piginnaatitaaffia aamma atuuffia matumani aalajangersarneqarpoq.

§ 79-imut

Qinigaasinnaanermut Ataatsimiititaliap ilaasortai, Inatsisartuni Naalakkersuisunilu il. il. ilaasortat aningaasarsiaqartitaanerat il. il. pillugit Inatsisartut inatsisissaat nr. 22, 18. december 2003-meersoq kingullermillu Inatsisartut inatsisissaat nr. 10, 5. april 2011-meersukkut allanngortinneqartoq naapertorlugu akissarsiaqartinneqassapput.

§ 80-imut

Qinersinermik siulersuisunit saaffiginnissutit tunngavigalugit Qinersinermut Ataatsimiititaliap suliaqartassaaq. Qinersinermut Ataatsimiititaliap taamaattoq suliamik nammineq aallartitsisinnaavoq. Qinersinermut Ataatsimiititaliap qinersinermut allattaavimmi aalajangersagaq naapertorlugu saneqqutsinerit nassuiaassutigisassavai.

Inatsimmik saneqqutsineq immikkuullarissumik pisoqarneranik peqquteqartussaavoq, assersuutigalugu sila pissutigalugu imaluunniit teknikkikkut ajornartorsiutit qinersinerup naammassineqarnissaanut akornuteqartillugu inatsit naapertorlugu qinersineq ingerlanneqarsinnaanngippat.

Qinersinermut Ataatsimiititaliap matumani ilaatigut kommunimi ataatsimi arlalinniluunniit kommunalbestyrelsimut qinersinerup ulluata allannortinneqarneranik aalajangiisinnaapput. Qinersinermut Ataatsimiititaliap ulloq qinersivissaq kinguartissinnaanngilaa peqatigitillugu nutaamik ulluliinermik aalajangiisoqartinnagu. Ullormik nutaamik aalajangiinissaq kommuni pineqartoq ersarinnerusumik isumaqatigiissuteqarfigineratigut pissaaq taamaalilluni qinersinissap piareersarneqarneranut naammassineqarneranullu piffissaq pisariaqartoq atorneqarsinnaaqqullugu.

Ulloq qinersivissaq kinguartinneqarpat siunnersuummi aalajangersagaq § 52, imm. 2 atorneqassaaq aammalu kommunalbestyrelsi atuuttoq taamaalilluni ingerlaannassalluni.

§ 81-imut

Kommunalbestyrelsinut, nunaqarfinnut aqutsisunut ataatsimoorussanut aamma ilagii sinniisaannut qinersisoqarnerani qinersinermik siulersuisut aqutsissapput, piareersaasuullutik aamma naammassinnittuullutik. Kommunit ataasiakkaat tamatumunnga aningaasartuutit tamaasa akilertussaavaat aammalu qinersinermik siulersuisunut allattoqartitsinissaq isumagisussaallugu.

Naalakkersuisut allakkatigut qinersinermi atortussanik aamma qinersinermut allattaavinnik atortuulersitsineq naqitertitsinissarluk akisussaaffigivaat. Naalakkersuisut soorunami taakkununga attuumassutillit aningaasartuutigissavaat.

§ 82-imut

Ersarissarneqarpoq aalajangersagaq nalinginnaasumik atuuttuummat eqqartuussivimmilu suliarineqarnissaa taamaallaat pineqanngimmat.

§ 83-imut

Eqqartuussiviit pinerluttulerinermut inatsit naapertorlugu qinersinermut inatsisit unioqqutinneqarsimanersoq nalilersuisussaapput aammalu qanoq pineqaatissiisoqassanersoq aalajangiiffigisussaallugu.

Pingaaruteqarluinnarpoq kikkut tamat oqartussaqaqaaneranni ingerlatsivinni qinersinerit aalajangersakkat atuuttut naapertorlugit ingerlanneqartarnissaat. Pineqaatissiissutit sorliit atorneqassanersut pingaarutilimmik tamatumunnga oqimaqatigiissaarisariaqarpoq. Aammattaaq § 55 Atorfimmi suliaaminik isumaginninngitsoq pillugu Kalaallit Nunaanni Pinerluttulerinermi inatsimmi innersuussutigineqarpoq.

Aalajangersakkami erseqqissaatigineqarpoq akiliisitsinerit nunatta karsianut akiliutigineqartassat.

§ 84-imut

Imm. 1-2-mut

Inatsimmi nakkutilliinissamik aalajangersaaneq tunngavigalugu taamaallaat nakkutiginnittoqarsinnaavoq.

Imm. 3-mut

Eqqartuussiviit pinerluttulerinermut inatsit naapertorlugu qinersinermut inatsisit unioqqutinneqarsimanersaq nalilersuisussaapput aammalu qanoq pineqaatissiisoqassanersaq aalajangiiffigisussaallugu.

Pingaarteqarluinnarpoq kikkut tamat oqartussaaqataaneranni ingerlatsivinni qinersinerit aalajangersakkat atuuttut naapertorlugit ingerlanneqartarnissaat. Pineqaatissiissutit sorliit atorqeassanersut pingaarutilimmik tamatumunnga oqimaaqatigiissaarisariaqarpoq.

Aammattaaq § 36 qinersinermi ajoqusiisoq pillugu, § 41 qinersinerup isertuunnissaa pillugu ajoqusiisoq aamma § 50 atorfimmi paasisanik nipangiussisimasussaaneq pillugu Kalaallit Nunaanni Pinerluttulerinermi inatsimmi aalajangersakkat innersuussutigineqarput.

§ 85-imut

Inatsit ulloq 1. december 2016 atuutilissasq siunnersuutigineqarpoq. Kommunalbestyrelsinut, nunaqarfinni aqutsisunut ataatsimoorussanut aamma ilagiit sinniisaannut 2017-mi aprili qaammat qinersinissaq inatsisip aaqqiiffigissavaa.